



PL
2732
U237A17
1775
v.9



吳詩集覽卷十上

黎城靳榮藩介人輯



五言律詩三之上

過中峯禮蒼公塔

蒼雪塔銘塔在中峯寺後二百步自此首以下皆梅村南歸

後作

下馬支公塔經聲萬壑松影留吟處石智出定時鐘尙

記山中約誰傳海外逢平生詩力健翹足在何峯

首句點完

題面前半就塔前之物而讚嘆之五六寫出交情萬壑何峯起結相應○崔曙詩支公已寂滅塔影山上古經聲見謁剖公李詩如聽萬壑松岑勛多寶塔碑兼造自身石影跪而戴之方雄飛詩獵者聞疎磬知師

入定回

甘澤謠

圓觀者大歷末洛陽惠林寺僧李諫

議源與圓觀爲忘年交一旦約遊蜀州抵青城峨眉訪

道求藥圓觀欲遊長安出斜谷李公欲上荊州三峽曰

吾已絕世事豈取途兩京圓觀曰此行固不由人請出

三峽而去遂自荊江上峽行次南浦維舟山下見婦人

數人錦襠負髀而汲圓觀望見泣下曰某不欲至此恐

見其婦人也李公驚問圓觀曰其中孕婦姓王者是某

託身之所逾三載尚未娩懷以某未來之故也今既見

矣卽命有所歸釋氏所謂循環也請假以符咒遣其速

生少駐行舟葬某山下浴兒三日公當臨訪若相顧一

笑卽某認公也更後十二年中秋月夜杭州天竺寺外

與公相見按第五句暗用此事圓觀或作圓澤傳燈

錄二十八祖達摩自天竺國泛海見梁帝不契潛上嵩

山少林寺面壁九年端居而逝葬熊耳山魏宋雲奉使

西域迴遇師于葱嶺見手攜雙履翩翩而逝雲問師曰

西天去按第六句暗用此事鄭守愚詩暮年詩力在

明詩綜讀徹有南來堂稿

傳燈錄長鬚

禪師參石頭石頭乃翹一足師便爲禮拜

漁洋詩話近日釋子詩以滇南蒼雪爲第一如一夜
花開湖上路半春家在雪中山亂流落葉聲兼下聽
徹寒扉不上闌皆警句其弟子秋臯
亦有句云鳥啼殘雪樹人語夕陽山

其二

明月心常湛寒泉性不枯鳥啼香積散花落影堂孤道

在寧來去名高定有無淒涼看筆塚遺墨滿江湖

起二句是

來是有三四句是去是無五六句雙承作轉而側重來
有一邊結句作合正見其道在名高去亦是來無亦是
有也極力推重蒼雪○李頎詩清池皓月照禪心增韻
湛澄也澹也詩爰有寒泉左太冲吳都賦碕岸爲之
不枯維摩經維摩居士遣八菩薩往衆香國禮佛言
願得世尊所食之餘于是香積如來以衆香鉢盛飯與
之羅國鈞詩影堂斜掩一燈深鳩摩羅什十喻詩
若能映斯照萬象無來去名高見坐奇懷室李詩今

日逢支遁高談出有無國史補長沙僧懷素好草書
自言得草聖三昧棄筆堆積埋于山下號曰筆塚楊
仲宏謝疊山遺墨詩辭氣凜
然遺墨在再三尋繹淚雙零

其三

慧業誰能繼宗風絕可哀昔人存馬癖近代薄詩才鹿

走談經苑鴉飛說法臺空懸竹如意落日講堂開

此承前首

說下言遺墨雖在而繼起無人蓋畜馬者多而講詩者

少故鹿走鴉飛而講堂寂寞也○南史謝靈運傳得道

應須慧業宗風見讚佛詩晉書杜預傳預常稱王

濟有馬癖世說支遁好養馬曰貧道重其神駿按梅村

蓋合用之池北偶談南來蒼雪雪法師貫穿教典尤以

詩名按鹿走借用麋鹿遊蘇臺語王詩揚子談經處

嚴正文詩寒鴉飛盡水悠悠說法見讚佛詩太平

廣記明皇幸功德院忽苦背癢羅公遠折竹枝化七寶

如意以進講
堂見謁剖公

其四

故國流沙近黃金率堵坡胡僧眉拄地梵夾口懸河傳

法青蓮湧還家白馬馱他年乘願到應認舊山阿原註

滇人

此詩就蒼公故里說烟波無限○流沙見龍腹

竹歌

翻譯名義率堵坡亦云墳又名塔季贈胡僧

詩序有胡僧不知幾百歲眉長數寸神仙傳孔元方飲

酒作一令以杖拄地以一手持杯倒飲胡身之通鑑

注梵夾貝葉經也以板夾之謂之梵夾晉書郭象傳王

衍每云聽象語如懸河瀉水而不竭宋史王安石傳

時號韓絳為傳法沙門晉書佛圖澄傳取鉢盛水燒香

呪之須臾鉢中生青蓮花漢明帝內紀佛久滅度遂

鈔聖教六十萬五千言以白馬馱還王夏卿大證禪

寺碑或宿植德本乘願復來或意生人間用宏開示

楚辭若有人
兮山之阿

過王菴看梅感興

練川城南三十里爲王菴學憲王先生著書地
也有梅萬株不減鄧尉余以春日過其廢圃學

憲所著數種其版籍尙存

一統志練祁塘在太倉州嘉定縣南自縣

治中分東曰東練祁西曰西練祁姑蘇志練祁塘又名練川嘉定縣志王圻字元翰上海籍

嘉靖癸丑進士湖廣提學僉事終陝西布政司靜志居

叅議王園中有歲寒亭是其著書處詩話洪州拜分陝之命卽請告終養旣歸松江

之濱種梅萬樹目曰梅花源仰屋著書門涵皆

安硯席一統志鄧尉山多樹梅花一望如雪

行數十里香風不絕蘇詩荒涼廢圃秋

遼

史太祖紀
咸入版籍

地僻幽人賞。名高拙宦居。客來唯老樹。花發爲殘書。斜

日空林鳥。微風曲沼魚。平生會著述。零落意何如。地僻名高

俱指王菴幽人拙宦俱指學憲第三句是看梅唯字用意第四句從梅花綴到著書爲字用意然菴中風日魚

鳥雖尚如故而學憲已不可見著述零落可爲興感也通首呼應皆靈無一閒字○地僻見磬清湖■幽人見

西田詩其四 名高見禮蒼公塔拙宦見再寄三弟

易有不速之客三人來老樹見雕橋莊歌 花發見贈

馮訥生薛大拙詩就床吹落讀殘書 陰子堅詩翠林

將日斜儲光義詩清氣在空林 杜詩微風燕子斜落

陽伽藍記斜風入牖曲沼環堂 著述見送周子

叙程迓亭曰學憲著述以續文獻通考爲第一

祁文友字蘭尚過王園看花千株紅紫鬪芳妍春到

頻添洒債錢任是打門官吏急公家不稅種花田

吳詩集卷之十一上

獨往王菴看梅沈雨公攜尊道值余已遄返賦此

爲笑

羅業之詩攜尊座外花空老

屢負尋山約。偶然來此間。多君攜酒至。愧我放船還。雙

屐成孤往。千林就一閒。誰知種花叟。鎮日不開關。

前四句完

題面雙屐指雨公千林指王菴梅樹也結有別趣○更記項羽紀又惡負約尋山見贈文園公後漢書劉昆

傳偶然耳

杜彥之詩山翁時挈酒相尋放船見鴛

湖曲

雙屐見高涼司馬行歸去來籬懷良辰以孤往

蘇詞

異材秀出千林表陸務觀詩微雨種花

天

鎮日見觀王石谷畫百詩竹林多處不開關

送致言上人

明詩綜宏句字致言歛人雪嶠弟子

獨下千峯去。蒼溪出樹腰。雲生穿磴屐。月滿過江瓢。一

飯從村寺前身夢石橋。經行無定着。惆悵故山遙。起結相應

通首工整。○蒼溪見閬州行。此借用杜詩斜暉轉樹腰。

雲生見送照如師穿燈見園居。古詩三五明月滿。

蘇詩大瓢貯月歸春甕。一飯見送杜于皇。李有中詩。

卻憐村寺僧相引。前身見圓圓曲調靈運山居賦凌。

石橋之莠苔。楊炯孟蘭盆賦。山中禪定樹。

下經行。張懿孫詩。浮客了無定。故山見猿。

過韓蘄王墓

宋史韓世忠傳。字良臣。延安人。孝宗朝。追封蘄王。一統志韓世忠墓在吳。

縣靈巖。

山西。

訪古思天塹。江聲戰鼓中。全家知轉鬪。健婦笑臨戎。汗

馬歸諸將。疲驢念兩宮。淒涼岳少保。宿草起秋風。用訪

字起。即與讀世忠傳而作者不同。末句宿草映合墓字。

是詩律細處。前四句蘄王戰功。後四句蘄王心事。○杜

詩平臺訪古遊天塹見避亂世忠傳上元節就秀州
張燈高會忽引兵趨鎮江及金兵至則世忠已屯焦山
寺兀術遣使通問約日大戰許之梁夫人親執桴鼓金
兵終不得渡世忠與二酋相持四十八日兀術窮蹙求
會語祈請甚哀鶴林玉露斬王夫人京口娼也嘗五更
入府伺候賀朔忽于廊柱下見一虎蹲卧鼻息訥訥驚
駭走出已而人至者衆復往視之乃一卒因蹴之起問
其姓名密告其母邀之至家具酒食資以金帛結爲夫
婦江聲見歲暮送苑先戰鼓見東萊行史記淮陰侯
傳楚人起彭城轉鬪逐北至于滎陽古詩健婦當門
戶唐太宗詩臨戎八陣張史記晉世家矢石之難汗
馬之勞諸將見讀史雜感世忠傳成閔解元王勝王權
劉寶岳超起行伍秉將旌皆其部曲云疲驢出史記
口者傳世忠傳紹興十一年十月罷爲醴泉觀使奉朝
請自此杜門謝客絕口不言兵時跨驢攜酒從一二奚
童縱遊西湖以自樂按兩宮謂徽欽也世忠傳與兀術
會語亦有還我兩宮復我疆土等語宋史岳飛傳字
鵬舉湯陰人紹興五年加檢校少保進封公按岳以

十一年死韓以二十一年薨故有宿草之嘆宿草見贈
文園公杜牧之詩五陵無樹起秋風世忠傳論暮年退
居行都口不言兵部曲舊將不與相見蓋懲岳飛
之事也輟耕錄岳武穆王飛墓在杭棲霞嶺下

其二

行在倉黃日提兵過故鄉傳聞同父老流涕說君玉石

馬心猶壯雲臺跡已荒一坏堪漬酒殘日下平岡

前半首

王事跡後半首切墓說○蔡伯喈獨斷天子自謂曰行
在所猶言今雖在京師行所至耳巡狩天下所至處皆
為宮倉黃見礬清湖序提兵見臨江叅軍公羊傳
所傳聞異辭父老見贈家侍御唐書秦瓊傳太宗詔
有司琢石為人馬立墓前以旌戰功杜詩落日心猶壯
雲臺見又詠古注一坏見駕湖曲注劉孝標廣絕
交論門罕漬酒之彥趙承祐詩偏傷白日殘沈休文詩平岡走寒兔

按世忠延安人此詩故鄉俟考 張如哉曰行在倉
皇日謂建炎三年高宗由鎮江幸錢塘苗劉謀反逼
使避位也提兵過故鄉謂世忠由海道赴行在趨秀
州勤王之師也傳聞二句謂世忠得張浚書大慟至
平江舉酒酌神誓不與賊共天士卒皆奮也故鄉卽
指行在所也時世忠妻子爲苗傳所質朱勝非給傳
白太后遣慰世忠召梁氏俾逐世忠速其勤王梁氏
疾驅一日夜會世忠于秀州君父妻子所在故可言
故鄉也高宗復辟苗劉就擒寔由世忠之力戰帝手
書忠勇二字揭旗以賜事具本傳詩特寫得激昂盡
致

其三

詔起祁連塚豐碑有賜亭掛弓闔塞月埋劍羽林星百
戰黃龍艦三江白石銘趙家金甌出山鬼哭冬青

此下
二首

切定過墓以冬青行對照與第一首同妙○祁連塚見
楚兩生行 豐碑見讀西臺記吳中勝紀韓蘄王墓旁
立石甃數仞石如之御書中興定國佐命元勲之碑
杜詩天山早掛弓漢書賈山傳築長城以爲闕塞李詩
邊月隨弓影 刀劍錄孝武帝以太元元年于華山頂
埋一劍銘曰神劍羽林見雒陽行張如哉曰羽林本星
名應劭曰天有羽林大將軍之星也 百戰見送杜牧
武隋書楊素傳造大艦名曰五牙容戰士八百人次曰
黃龍置兵百人陳將戚欣以青龍百餘艘守狼尾灘素
親率黃龍數千艘銜枚而下悉擄其衆 三江見林屋
洞水經注漢廣野君酈食其廟有兩石人對倚北石人
胸前銘云門亭長 趙家見讀西臺記注杜詩空餘金
梳出 山鬼冬青見行路難遂昌雜錄宋太學生東嘉
林景曦有夢中作十首其一絕曰一坏未築珠宮土雙
匣親傳竺國經只有春風知此意年年杜宇哭冬青潘
皆山曰冬青句正指楊璉真珈發宋諸陵事但遂昌雜
錄所載此詩据輟耕錄羅鄭兩傳一以爲唐珣玉潛之
作一以爲林德陽景曦之作彼此互異而謝翱皋羽亦

有冬青引大抵皆痛
諸陵暴骨之慘耳

其四

邱壘今蕪沒江山竟寂寥松風吹北固碑雨洗南朝細

路牛羊上荒岡草木凋肯容樵豎擾遺恨在金焦松風碑雨

俱拈墓說而造語工妙不可思議結句知人論世仍不

脫墓字意○陶詩徘徊邱壘間南史梁元帝紀庭草蕪

沒令鞭去之寂寥見山水圖歌北固見九友歌

溫飛卿詩猶有南朝舊碑在杜詩石古細路行人稀

杜牧之詩秋盡江南草未凋歐陽永叔祭石曼卿

文惟見樵夫牧豎歌吟而上下遺恨見項王廟金焦

見贈

蒼雪

輿地紀勝龍王廟在北固山韓世忠遣兵伏廟中以
襲兀術卽此按世忠傳世忠軍已先屯焦山寺謂敵

至必登金山廟觀我虛實乃遣兵百人伏廟中百人
伏岸澗約聞鼓聲岸兵先入廟兵合擊之金人果五
騎闖入廟兵喜先鼓而出僅得二人逸其三中有絳
袍玉帶既墜而復馳者詰之乃兀朮也向令廟兵如
計而行則兀朮就擒金人胆落矣此則蘄王之遺恨
與又按北固在北金山在西北焦山在東雖相距不
甚遠然三山也宋史謂伏兵金山廟而輿地紀勝謂
在北固山龍王廟其說頗異梅村此詩蓋從宋史

宿沈文長山館

山館見蟋蟀盆歌

一徑草堂偏湖光四壁天焙茶松竈火浴繭竹籬泉玉

鼠仙人洞銀鱸釣客船前村呼種樹偶語石橋邊

工雅之作

似少陵過何將軍山林諸首○韓詩一徑向池斜北山

移文草堂之靈

湖光見宿福源精舍四壁見送周子

俶

百詩夜火焙茶香

禮蠶于蠶室奉種浴于川又

奉繭以示於君百詩趁暖泥茶竈防寒夾竹籬

太白

詩序荊州玉泉寺山洞白蝙蝠大如鴉名仙鼠千歲後
體白如雪高季迪詩烟霞閉深洞絕壁飛玉鼠張汝
弼詩紫蟹銀鱸不論價前村見避亂漢文帝詔曰吾
詔書數下歲勸民種樹偶語出史記秦始皇紀正義
偶對也石橋見送致言

其二

遇山思便住此地信堪留謀食因溪確齋心在石樓漁

舟帆六面橋井樹千頭長共鴟夷子翩然結伴遊

與前首同

妙○佛國記欲去便去欲住便住

按登樓賦雖信美

而非吾土兮曾何足以少留第二句反用之

溪確見

苦雨

莊子回曰敢問心齋仲尼曰惟道集虛虛者心

齋也唐書白居易傳構石樓香山

漁舟見蘆洲行趙

閱道詩晴雲六面披按此本帆隨湘轉望衡九面而翻

新用之

桂陽列仙傳蘇耽漢時人事母以孝聞一日

啟母曰耽當仙去今年疫癘取庭前井水橘葉救之可得無恙賣此水過于供養也千頭見送李友梅 鳴夷見送何省齋 張茂先鷦鷯賦翩翩然有以自樂也江總持詩霜雁多情恒結伴

福源寺

原註去毛公壇三里為攢雲嶺有福源泉寺以泉名羅漢松係梁朝舊物

吳郡志

毛公壇漢劉根得道處也根既仙身生緣毛人或見之故名毛公今有石壇在觀旁猶漢物也蘇州府志毛公壇下曰毛公泉即毛公煉丹井也又梁朝松在洞庭西山福源寺

千尺攢雲嶺金銀佛寺開鹿仙吹笛過龍女換珠來泉

繞譚經苑松依說法臺蕭梁留古樹風雨不凡材

前半首咏

寺後半首懷古○攢雲嶺見福源精舍注

杜詩金銀

佛寺開洪覺範曰佛地有金色世界銀色世界

顧逋

翁虎邱藏經碑覺華長者得定光如來授記鹿仙長者得釋迦如來授記

梅聖俞詩龍女廟中來幸稀南都

賦游女弄珠於漢臯之曲按葛稚川神仙傳劉根自言如華陽山見一人乘白鹿車從者十餘人左右玉女四人再拜稽首神人乃以神方五篇見授鹿仙龍女應指此至柳毅井在洞庭東山而福源寺在西山不必以龍女為洞庭君女也或曰華陽橋社不在西山詩或以之作觀然洞庭君女自與劉根無涉不如專指神仙傳耳
泉繞見贈蒼雪譚經苑說法臺見蒼公塔蕭梁見
遇南廂園叟易林有鳥飛來集于古樹杜詩金眸玉爪不
几材

鹿走譚經苑鴉飛說法臺是悲涼語移作泉繞松依便是懷古語措詞入妙

包山寺贈古如和尚

蘇州府志包山禪寺在吳縣西南一百二十里曝書亭集

包山之寺相傳建自梁大同年

古木包山寺蒼然曉氣平石毛仙蛻冷

原注近毛公壇雲影佛

衣輕咒鉢蛟人聽彈碁鶴子驚相逢茶早熟匡坐說無

生前半包山寺後半贈古如極起承轉合之妙○王詩古木無人徑蒼然見西田詩其四季重規詩川長

曉氣高雲笈七籤夫尸解者尸形之化也本真之鍊

蛻也司空表聖詩雲影帶耕人傳燈錄初達摩奉佛

衣來得道者付以為真印至大鑑乃置其衣而無傳焉

晉書僧陟傳苻堅使之咒龍請雨俄而龍下鉢中天

輒大雨張來儀詩咒水龍歸鉢按淮南子一淵不雨蛟

疑蛟與蛟通述異記南海中有蛟人水居如魚淮南子

瓠巴鼓瑟而鱗魚聽之典論予于他戲少所喜唯彈

碁畧盡其妙易鳴鶴在陰其子和之蘇詩谷鳥驚碁響

茶熟見虎邱圖韓詩外傳原

憲匡坐而絃歌無生見讚佛詩

過圻村

蘇州府志圻村在吳縣三十七都

萬壑響鳴蟬湖光樹杪懸雲鬟神女廟雪乳隱君泉山

籠櫻桃重溪船菱芡鮮相攜從此住松老不知年

前半圻村

舊蹟後半圻村情事○

晉書顧愷之傳千巖競秀萬壑

爭流杜詩森木亂鳴蟬

湖光樹杪見宿福源精舍

雲鬟見讚佛詩羅昭諫詩神女廟前雲有心蘇州府志

縹緲之東山勢分爲二其一邇迤而北爲石馬爲鴻鶴

山有神女祠亦名神姑山

蘇詩晨瓶得雪乳儲光羲

詩借問故園隱君子李本寧大秘山房集游洞庭記石

磨山下取道圻村得烏砂泉泉在井中大柳蔭之距湖

高遠皆可丈許每汲必有烏砂沉盞底按蘇州府志龍

山下曰烏砂泉徐聖塢曰黃公泉卽夏黃公隱處則隱

君應指黃公也

櫻桃見青門曲

菱芡見磬清湖序

王詩種松皆作老龍鱗

左傳襄三十年不知紀年

湖中懷友

蘇州府志太湖在府西南三十餘里

渺渺晴波晚青青芳草時遠帆看似定獨樹去何遲花

落劉根廟

蘇州府志作花發

雲生柳毅祠香尊正可擷欲寄起

相思

前半湖中後半懷友三四工妙已有懷字在內○謝元暉詩渺渺青烟移陸魯望詩海門蒼翠出晴

波

古詩青青河畔草

庾子慎詩遠帆似凌空

陶

詩獨樹衆乃奇

劉根柳毅見二十五日詩

杜詩香

聞錦帶羹注尊一名錦帶集韻擷採取也

古

詩上言長相思按此句暗用張翰思尊羹事

七夕卽事

陶詩卽事多所欣

羽扇西王母雲輶薛夜來鍼神天上落槎客日邊回鵲

渚星橋迴羊車水殿開祇今漢武帝新起集雲臺

四首俱用

七夕故事而參以新意與清涼山讚佛詩參看○元詩手持鳳羽扇武帝內傳到七月七日夜二更之後忽見西南如白雲起鬱然直來逕趨宮庭半食頃王母至也雲輶見宮扇拾遺記文帝所愛美人姓薛名靈芸改

靈芸之名曰夜來帝以文車十乘迎之夜來妙于鍼工
宮中號爲鍼神也孫逖詩美人天上落博物志近有
人居海渚者年年八月有浮槎去來不失期人有奇志
乘槎而去十餘月至一處有城郭狀宮中有織婦見一
丈夫牽牛渚次飲之因問此是何處答曰訪嚴君平則
知之因還至蜀問君平曰某年某月有客星犯牽牛宿
計其年月正是此人到天河時也晉書明帝紀不聞人
從日邊來淮南子烏鵲填河成橋而渡織女按鵲尾
渚在廬江府舒城縣此借用王子安七夕賦褰羽飾于
星橋羊車見讚佛詩水殿見宮扇三輔黃圖集靈
臺在華陰縣界漢武帝造一統志集靈宮在華陰縣西
北按漢武內傳作延靈臺而元和郡國志開元十一年
初置溫泉宮天寶六載改爲華清宮又造長生
殿名爲集靈臺則集靈臺唐亦有之集雲未詳

其二

今夜天孫錦重將聘雜神。黃金裝鉤合寶馬立文茵。刻

石昆明水停校結綰春沉香亭畔語不數戚夫人天孫錦見

詠山茶花洛神賦臣聞河洛之神名曰宓妃 鈿合

見永和宮詞史記李斯傳中廐之寶馬臣得賜之詩

文茵暢轂駕我騏驎注文茵虎皮也曹毗志怪昆明

池作二石人東西相望象牽牛織女長安志昆明池在

長安縣西二十里刑子才七夕詩秋期忽云至停校

理容色結綰見彈琴歌白詩七月七日長生殿夜半

無人私語時陳鴻長恨歌傳昔天寶十年侍輦避暑驪

山宮秋七月牽牛織女相見之夕因仰天感牛女事密

相誓心願世世為夫婦言畢執手各鳴咽此獨君王知

之耳按說郭載元虛子志明皇朝夕思惟形神憔悴有

道士以少君術求見上極其寵待冀得復見即死不憾

於是太真在帳中見上泣曰以天下之主不能庇一弱

女何面顏復見妾乎沉香亭下月中之誓何在也與長

恨歌傳小異此詩沉香亭畔似用元虛子志而先之以

黃金鈿合蓋合用之耳按西京雜記戚夫人侍兒賈

佩蘭說在宮內時七月七日臨百子池作于闐樂云云

此云不數戚夫人蓋言楊妃死後猶有海外仙山一段佳話也

其三

仙醞陳瓜果。天衣曝絺羅。高臺吹玉笛。複道入銀河。曼

倩詼諧笑。延年婉轉歌。江南新樂府。齊唱夜如何。宋延清詩

時菊芳仙醞。荆楚歲時記陳瓜果于庭中以乞巧。集

仙錄謝自然在靜室有仙人將天衣來迎即乘麒麟升

天。西京雜記太液池西有漢武帝曝衣樓七月七日宮

女出后衣曝之。鮑詩玲瓏絺羅中。王詩相送臨高臺

李詩黃鶴樓中吹玉笛。史記叔孫通傳注複道閣道

也銀河見青門曲。曼倩詼諧見讚佛詩延年見哭

志衍江總持有婉轉歌。漢書禮樂志武

帝定郊祀之禮乃立樂府。詩夜如何其

其四

花萼高樓迴。岐王共輦游。淮南丹未熟。緱嶺樹先秋。

詔罷驪山宴。恩深漢渚愁。傷心長枕被。無意候牽牛。唐書

讓皇帝傳光天後以隆慶舊邸為興慶宮于宮西南置

樓其西署曰花萼相輝之樓。岐王見琵琶行。梁書漢

孝王傳。入則侍帝同輦出則同車遊獵上林中。漢書

淮南王安傳。中篇八卷言神仙黃白之術。吳哲詩退屑

淮王丹。列仙傳王子喬者周靈王太子晉也告桓良

曰告我家七月七日待我緱氏山巔至時果乘白鶴駐

山頭。一統志驪山在西安府臨潼縣東南。梁簡文

帝詩。漢渚水初綠。通鑑唐元宗初即位為長枕大被

與兄弟同寢。張如哉曰杜牽牛

織女詩。神光竟難候。候字本此。

大根菜

按本草綱目引爾雅突蘆葩孫炎註云紫

花菰也俗呼溫菰似蕪菁大根俗名雹突

一名蘆菔是也予數詢之南人咸云大根菜俗

名大頭菜色赤或砌以石或栽于水可為盆盎

之玩蓋蘆菰
擘藍之別種

幾葉青青古穿泥弗染痕誰人愛高潔留汝歷涼溫輪

囷形難老芳辛味獨存古來磐石重不必取深根陳嵩伯詩

幾葉別黃茅青青見湖中懷友周子愛蓮說出淤泥而不染駱賓王詩無人信高潔鮑詩心思歷涼溫

輪囷見龍腹竹歌詩永錫難老蘇詩金盤玉指破

芳辛司馬長卿大人賦超無友而獨存漢書文帝紀

犬牙相制所謂磐石之

宗也莊子深根固蒂

趵突泉

曾子固齊州二堂記泰山之北與齊之東南諸谷之水西北滙于黑水之灣又西北

滙于柏崖之灣而至于渴馬之崖蓋水之來也

衆其北折而西也悍疾尤甚及至于崖下則泊

然而止而自崖以北至于歷城之西蓋五十里

而有泉湧出高或致數尺其旁之人名之曰趵

突之
泉

似瀑懸何處飛來絕壑風伏流根窈渺跳沫拂虛空石

破奔泉上雲埋廢井通錯疑人力巧天地桔槔中

前四句狀

趵突之奇後四句作贊○集韻瀑飛泉懸水也能詩醉中得句若飛來絕壑見閬苑詩

杜詩伏流何

處入元裕之詩窈渺朱絃寂寞心

江賦拊拂瀑沫虛

空見林屋洞

石破見壽鶴如杜詩奔泉濺水珠

張

文昌詩城闕濕雲埋廢井見閬園詩

莊子且子獨不見夫枯槁者乎

其二

不信乘空起憑闌直濺衣池平難作勢石隱定藏機曲

水金人立凌波玉女歸神魚鱗甲動咫尺白雲飛

前四句寔

寫後四句比擬俱與前首不複○王詩萬里若乘空

憑闌見園園詩蘇詩一笑杯翻水濺裙儲光義詩分

出小池平晉書王敦傳因作勢而起李公垂大光天

師碑銘發諭開蒙藏機匿聖蘭亭序引以為流觴曲

水張如哉曰晉書束皙傳武帝問三日曲水何義束曰

秦昭王以三日置酒于河見金人捧水心劍曰令君制

有西夏乃霸諸侯因此也洛神賦凌波微步漢武內

傳帝閒居承華殿忽見一女子曰我墉宮玉女王子登

也曹詩河伯獻神魚鱗甲見分水龍王廟尺

尺見送何省齋漢武帝秋風辭秋風起兮白雲飛

贈新泰令楊仲延其地為羊叔子故里一統志新泰縣在泰

安府東南一百五十里羊流店在新泰縣西北

六十里以羊祜故里為各俗訛為楊柳店叔子

見東萊行梅村楊仲延詩序南和楊仲延為新

泰令越四年擢守江南之和州泰安府志楊繼

芳字仲延南和人順

治間由選貢知新泰

置邑徂徠下雙槐夾訟堂殘民弓作社遺碣石為莊野

繭齊統美春泉魯酒香歸來羊太傅不用泣襄陽

起二句點

明新泰令三四覽古五六卽事結句離卽入妙

志徂徠山在泰安府東南四十里

老根崔峒詩訟堂寂寂對烟霞

韓詩夾道疎槐出

域記一畝為一弓泰安府志羊祜城為祜封邑城西有

村曰羊社徐原一新泰詩古碣獨尋羊太傅程迓亭

曰其地今名崔家庄有石碣風俗通旅穀彌望野繭

被山齊統見宮扇庾詩春泉下玉溜莊子魯酒薄而

卽卽圍晉書羊祜傳贈侍中太傅按泣襄陽亦暗

用祜傳每風景必造峴山慨然太息語也張如哉曰泣襄陽用墮淚碑事

靈巖觀設戒

一統志靈巖山在吳縣西昔吳王置離宮於此有琴臺館娃宮西施洞響

麋廊吳王井遺跡梁書中天竺國傳常修淨戒式導不及

湖山留霸跡花鳥供經臺不信黃池會今看白社開枯

潭龍洗出妙塔雁歸來此地關興廢須資法將才

首句靈巖

次句設戒三四分承五六側重設戒結句回映合寫全

題○孟詩江山留勝跡聖主得賢臣頌索人求士者必

樹霸迹花鳥見永和宮詞廬山記謝靈運卽寺中觀

翻涅槃經爲臺植白蓮池中名曰翻經臺左傳哀十

三年公會單平公晉定公吳夫差于黃池白社見贈

願雲師法言浮滄海而知江河之惡沱也况枯澤乎

蘇州府志西施洞右有牛眠石前爲出洞龍貓兒石東

西爲二划船塢蓋吳王渚水以戲龍舟之所妙塔見

九峯歌蘇州府志靈巖山其中平坦處爲靈巖寺有塔

曰靈巖塔王詩歸雁來時數寄書黃魯直詩不負法

昌老

禪將

遙別故友

絕域重分路知君萬里餘馬頭辭王淚雁足覆巢書草

沒還家夢霜飛過磧車齊諧他日事應記北溟魚起二句是

遙別三四補寫遙別之由五六言其難還反偏出結句

意結則祝友生還也○絕域見行路難南史裴子野傳

分路揚鑣岑參詩東去長安萬里餘李詩雲傍馬

頭生漢書蘇武傳天子射上林中得雁足有係帛書

後漢書孔融傳安有巢毀而卵不破乎草沒見夜宿

阜昌令狐穀士詩總有還家夢禽經霜飛則霜露翥

則露岑參詩過磧覺天低齊諧見二

十五日詩莊子北溟有魚其名爲鯢

其二

雪深難見日海盡再逢關野鼠多同穴神魚斷似山只

應呼草地都不類人問勉謝從行者他年有箇還前半是出

塞時所見後半是出塞時所思故與前首不複○黃魯直詩十月山行冰雪深後漢書袁紹傳曠若開雲見日

孟詩海盡邊雲靜漢書地理志隴西郡首陽縣禹

貢鳥鼠同穴山在西南渭水所出一統志在臨洮府渭源縣西神魚見釣笑泉魚似山見送吳季子張昱

小王孫詩新分草地緣遊獵紫薇詩話章子厚夢中

詩云云殆不類人間世也李少卿答蘇武書幸謝故人勉事聖君有箇見白燕吟

梅村贈吳季子詩送吏淚不止流人復何倚彼尚愁不歸我行定已矣與此詩結句異曲同工

秋夜不寐

韋應物詩懷君屬秋夜

秋多入衆音不寐夜沉沉浩劫安危計浮生久暫心鄰

鷄殘夢斷窗雨一燈深薄冷披衣起晨鳥已滿林

起二句點

完題面三四是不寐之由五六是不寐時之所聞所見然皆有夜字在內結用晨字正是醒出夜字也○蘇頌

詩蒼茫孤亭上歷亂多秋音李詩月寒天清夜沉沉
浩劫見九峯草堂歌浮生見二十五日詩杜詩
遮莫鄰雞下五更蘇詩馬上續殘夢韋端已詩夜牕
風雨急松外一庵燈王子敬有薄冷帖魏文帝詩輾
轉不能寐披衣起徬徨陸務觀
詩忽已晨鳥遷杜詩昏鴉已滿林

喜願雲師從廬山歸并序

願師住雲居十年而歸出其匡廬詩道五老石
門九奇三疊諸勝飛泉怪瀑不可思議而尤以
御碑亭雲海爲第一觀竟似住鏡光白銀二種
世界不知滄桑浮塵爲何等事矣願公贈予五
十初度詩其落句曰半百定將前諾踐敢期對

坐聽松聲益責予前約會時方喪亂衰病無家

顧以高堂垂白不能隨師以去也乃爲此詩答

之

按梅村贈願雲師序將遠遊廬嶽遺書別予今喜其自廬嶽歸也五老見呈李太虛一

統志廬山最著者石門澗在山之北面又三疊

泉在廬山五老峯後集韻瀑飛泉懸水也法苑

珠林佛變化無量三昧力不可思議一統志

白鹿昇仙臺在廬山天池寺明洪武二十二年

御製周顛仙傳建碑亭於臺上李詩寥廓雲海

遠杜牧之詩上吞巴漢控瀟湘怒似連山淨

鏡光史記封禪書蓬萊方丈瀛洲此三神山也

皆以黃金白銀爲宮闕參詩登臨出世界

滄桑見海戶曲注楚辭皇覽揆予于初度兮

贈願雲師有故人叩松關十年踐前諾之語

高堂見簪清湖

鮑詩垂白對講書

勝絕觀心處天風萬壑聲石門千鏡入雲海一身輕出

世悲時事忘情念友生亂離兄弟恨辜負十年盟

前半首願

雲住雲居之事後半首言已之不能赴約也○勝絕見

巫峽戴景屏詩隱几自觀心天風見彈琴歌萬壑見

禮蒼公塔

陳去非詩起照千丈鏡

杜詩身輕一鳥

過出世見贈願雲序忘情見贈劉虛受注詩不如

友生

贈錢受明

梅村壽錢臣辰序吾季弟孚令以女女臣辰之子受明

獨喜營時譽疎通邁等倫地從諸父重性似外家貧裘

馬無他好詩書別有神古來傳孝謹非必守前人

此示受明

以保家之主也疎通孝謹事相反而意相照應中四句
虛寔相生用意周匝○時譽見送杜于皇疎通見哭

志衍杜詩尊榮邁等倫詩以速諸父按諸父指臣辰
兄曼修詳贈錢臣辰外家見遇劉雪舫范彥龍詩
裘馬悉輕肥杜詩下筆如有神史記萬石君傳石
奮長子建次子甲次子乙次子慶皆以馴行孝謹官至
二千石按鎮洋縣志所載臣辰盖
跣跣之流故梅村以孝謹勗之也

受明得子東賀

長因故人子往事憶流連曾忝充閭會俄逢拜袞年諸

甥今甫爾入抱却依然吾老猶堪待公卿只眼前

從故人子

生情通首皆有真味杜詩乃吾故人子晉書賈充

傳父達晚始生充言後當有充閭之慶故以為名字焉

南史彭城王義康傳袁淑嘗詣義康問其年答曰鄧
仲華拜袞之歲後漢書鄧禹傳禹字仲華諸甥見遇

劉雪舫詩亦既抱子

蘇詩無災無害到公卿

宿徐元歎落木菴

原註元歎棄家任故鄣山中亂後歸天池丙舍落木菴竟陵譚

友夏所題也

沈歸愚師曰徐波字元歎江南

吳縣人

一統志

故鄣故城在湖州府安吉州西

北青山在安吉州東北一名均山以有梁吳均

故宅故名均與施從事書云故鄣縣東有青山

絕壁千尺孤峯入漢按蘇州府志毛都憲祠在

華山天池則天池吳縣地也溫飛卿詩丙舍無

人遺燼香

一統志天門縣在安陸府東南二百

二十里漢置竟陵縣雍正四年改為天門縣湖

廣通志譚元春字友夏天門人天啟丁卯鄉試

第一按友夏李太虛所取士也池北偶談徐元

歎康熙初年七十餘尚在自撰落木菴記云崇

正癸酉與竟陵譚友夏在其弟服膺署中曉起

盥漱見余白髮盈梳曰子從此別計必住山請

擇佳名

服膺出幅紙請作擘窠大字友夏

為書落木菴今三字揭諸菴門松栝數株撐風

蔽日元冬霜夜蕭蕭而下雙童縛帚掃除不給

齋厨爨烟皆從此
出事之前定如此

落木萬山心。蕭條無古今。棄家歸去晚。別業任來深。客

過松間飯。僧留石上琴。早成茅屋計。枉向白雲尋。

此首詠落

木菴之深正以見元歎之高也萬山心白雲尋俱有深
字在內前半首寫元歎落木菴後半首旁寫宿字○落
木見送何省齋杜詩遙望干山萬山赤別業見遇劉
雪舫儲光羲詩山人松下飯李詩拂彼白石彈吾
素琴杜詩何時一
茅屋送老白雲邊

詩人用江心湖心山腰山根者多矣山心蓋梅村創
用字有用神魚者矣神象神鵲亦梅村創用字然神
字蓋本于支道林語
貧道愛其神駿也

送王子惟夏以牽染北行

盤悅卮談王惟夏牽
染之為奏銷逮部

晚歲論時輩。空羣汝擅能。祇疑櫟陽逮。猶是濟南徵。名

字供人借。文章召鬼憎。阿戎才地在。到此亦何憑。

從惟夏才

地起三四寫出牽染仍用飛動之筆後半就其才而深惜之也。○晚歲見贈雪航。三國志孫禮傳。禮與盧毓同郡時輩。退之送溫處士序。伯樂一過冀北之野而馬羣遂空。崔駰授楊魯士長安縣令等制。念孔門以政事文學別為四科而魯士等各擅其能。史記項羽紀。項梁嘗有櫟陽逮。又儒林傳。伏生濟南人也。詳壽王鑑明。周書蕭大圜傳。如蒙北叟之放。定勝濟南之徵。名字見閨園序注。杜詩文章憎命達。皮襲美詩。醫過芳晨。定鬼憎。宋書謝惠連。初不為父所知。族兄靈運曰。阿戎才悟如此。而可作常兒遇之才。地見青門曲。

其二

二十輕當世。愁君門戶難。比來狂大減。翻致禍無端。落

木鄉關遠。疲驢道路寒。

集作疲驢非

敝衣王謝物。請勿笑南

冠。

梅村五律不肯平鋪直敘。每有飛動之勢。如此詩前四句是也。五六跟第四句說下結。又展開一步。然門

戶王謝無心自合。是詩律細處。○更記魯仲連傳。吾與富貴而詘于人。寧貧賤而輕世肆志焉。

長悌書惜足下門戶。欲令彼此無恙也。

許仲晦詩。相

如渴後狂還減。

宋書謝晦傳。鑒凶禍之無端。

鄉關

見贈陸生。

疲驢見韓蘄王墓。

更記范睢傳。為微行

敝衣閒步之。即見須賈。南史陳顯達傳。塵尾蠅拂。是王

謝家物。

南

冠見琵琶行。

其三

客睡愁頻起。霜天貫索明。此中多將相。何事一書生。末

俗高門賤。清時頌繫輕。為文投獄吏。歸去就躬耕。

此首于牽

染之後望其湔釋也三四亦以不平衍為奇第五句若
申明三四語者第六句祝願之詞末乃點明之○杜詩
客睡何曾著秋天不肯明 霜天見海戶曲隋書天文
志貫索九星賤人之牢也九星皆明天下獄煩 季少
卿答蘇武書抱將相之具南史蕭允傳何事於一書
生哉 漢書朱博傳今末俗之弊政事煩多高門見彈
琴歌 答蘇武書策名清時漢書刑法志詔曰年八十
以上八歲以下及孕者未乳師朱儒當鞠繫者頌繫之
注頌讀曰容寬容之不桎梏 史記周勃世家勃以千
金與獄吏按為文投獄吏暗用項梁請蘄獄掾曹咎書
抵檄陽獄掾司馬欣事 躬耕見汲古閣歌

其四

但可寬幽繫從教察孝廉昔人能薦達名士出髡鉗世
局胥靡夢生涯季主占定聞收杜篤寧止放江淹

此首
祝其

湔釋之後可邀登用正與首章相應○郭棐懷賢賦或
幽繫於南冠漢書武帝紀令二千石舉孝廉後漢
書劉平傳數薦達名士按髡鉗字出史記季布傳此
用蔡邕事見行路難史記殷本紀說為胥靡注靡隨
也古者相隨坐輕刑之名生涯見塗松晚發史記日
者傳司馬季主者楚人也卜於長安東市後漢書文
苑傳杜篤字季雅京兆杜陵人也會大司馬吳漢薨光
武詔諸儒誄之篤於獄中為誄辭最高帝美之賜帛免
刑南史江淹傳字文通濟南考城
人也被繫獄自獄中上書即日出之
吳兆寬字宏人同王惟夏出都攜手斜陽出帝京低
徊話舊不勝情門衰已幸離文網身賤猶慙識姓名
多難每逢歌與泣同途相對喜還驚
交遊意氣如君少馬首春風好問程

虎邱中秋新霽

萬籟廣場合道人心地平天留今夜月雨洗去年兵歌

管星河動禪燈風露清。淒涼闔閭墓斷壑起松聲。三四

清穩

中有生動之趣萬籟松聲自然應合○萬籟見掛山樓
廣場見夜集圖道人見西田詩今夜月見謁剖公

岑參詩夜渡巴江雨洗兵鮑詩歌管為誰清杜詩

三峽星河影動搖宋史藝文志僧道原景德傳燈錄

三十卷陶詩淒淒風露交蘇州府志吳王闔閭墓在

元和縣西北斷壑見六真歌序高唐賦不見其底虛

聞松

聲

按去年兵蘇州府志不載然順治十六年海寇陷鎮
江沿江諸郡邑多陷蘇州濱海蓋被其禍故中秋看
月云今年京口月猶得杖藜看
與此詩其俱作于十七年歟

哭亡女

喪亂才生汝全家竄道邊畏啼思便棄得免意加憐兒

女關餘刦干戈逼小年興亡天下事追感倍淒然

起句領起

通篇餘亦層次入妙○梅村遣悶詩搖手禁之不敢哭

即畏啼注脚杜詩啼畏虎狼聞元詩拈花盡意憐

隋書經籍志佛經所說天地之外四維上下更有天地

亦無終極然皆有成有敗一成一敗謂之一刦莊子

小年不及大年唐書杜甫傳好論天下事北

史趙修傳猶追感舊意經恤其家莊子淒然似秋

其二

一慟憐渠幼他鄉失母時止因身未殞每恨見無期白

骨投懷抱黃泉訴別離相依三尺土腸斷孝娥碑

此首從失

母說真摯可味三四生是生前不得相依五六是亡後相

依末句以孝女贊之○一慟見尚書行杜詩世亂憐渠

小失母見課女王介甫謝表顧百身之糜殞別

賦詎相見期後漢書陳忠傳三年乃免于懷抱左

傳隱元年不及黃泉無相見也李詩君不見裴尚書古墳三尺蓬棘居後漢書列女傳孝女曹娥者會稽上虞人也父盱溺死不得屍骸娥年十四乃沿江號哭晝夜不絕聲旬有七日遂投江而死至元嘉元年縣長度尚改葬娥于江南傍爲立碑焉

其三

扶病常聞亂漂零寔可憂危時難共濟短算亦良謀

絕頻攜手傷心但舉頭昨宵還勸我不必淚長流

此首用透

過一層法意真則語奇也○季少卿答蘇武書而皆扶病吳志孫皓傳思與賢良共濟世道皮襲美詩漱之恐減算勺之必延齡魏志孫資傳動賴良謀訣絕見送何省齋書民罔不盡傷心元和顧逢源渠清曰舉頭字出晉書明帝紀

杜詩不必淚長流

中秋看月有感

今年京口月猶得杖藜看暫息干戈易重經少壯難江
聲連戍鼓人影出漁竿晚悟盈虧理愁君白玉盤

猶得二字

寫盡有感三四卽猶得之意後半所感者深○一統志
鎮江府三國吳曰京城采書州郡志晉元帝初割海虞
北境爲東海郡立刻胸利城三縣永和中移郡出京口
刻等三縣亦寄治焉杜詩明日看雲還杖藜少壯
見送何省齋劉孝綽詩隔山聞戍鼓人影見蚤起
岑參詩孤負一漁竿易天道虧盈而益謙季義山詩
一生長共月虧盈李詩小時不識
月呼作白玉盤杜詩悲君白玉盤

支硎山齋聽雨明日早晴更宿法螺精舍

一統志
支硎山

在吳縣西南寰宇記晉高士支遁嘗憩遊其上
蘇州府志平石爲硎山多平石故因支遁以支

硯為號右一支為寒山盤陀空谷化城法螺諸庵景皆絕勝韋應物詩山館夜聽雨

秋山所宿處指點白雲生故作中宵雨倍添今日晴一

峯當止觀萬象逼孤清更上方去松風吹玉笙

起二句是

往宿而將雨三四句是既雨而旋晴也五六支硯七八法螺層次歷歷引入入勝○秋山見送志衍入蜀指

點見龍腹竹歌

晉書祖逖傳每語世事中宵起坐

指

杜詩倍添白髮明

一峯見讚佛詩其三金陵語錄定

定

慧為菩薩止觀為佛

萬象見鑿清湖陳伯玉詩水木

澹孤清

郎君胄詩月在上方諸品靜

劉孝威詩浮

邱侍

玉笙

憇趙凡夫所鑿石

明詩綜趙宦光字凡夫吳人有寒山雜著竹垞詩話凡夫饒於

財卜築城西寒山之麓淘洗泥沙俾山骨畢露高下泉流凡遊于吳者靡不造廬談讌蘇州府

志寒山禪院在支硎山西明趙宦光葬其父于此因結隱焉鑿石疏泉窮極幽邃唐韻宦音怡

石骨何年鑿蒼然萬態收直從文字變豈止斧斤搜亂

瀑垂痕古枯松結體適卽今苔蘚剝一一類銀鈎

鈎集作鈎

非 蒼然萬態收是出力寫斲字三四正是蒼然處也

瀑痕松體與所斲石是一是二至苔蘚亦類銀鈎則寫

得斲字更奇矣○韓詩巧匠鑿山骨 蒼然見穿山白

詩向背萬態隨低昂 張如哉曰凡夫創爲草篆體故

以文字變比鑿石垂痕結體銀鈎皆賦而比也 皇甫

曾詩山路倒枯松唐書薛稷傳結體適麗遂以書名天

下 沈雲卿詩苔蘚更

彩錯 銀鈎見九友歌

竹垞詩話書之最古者莫如篆學野王雜以隸書已

失其舊李陽冰刊定說文頗出私意詆訶許氏學者

已恨之凡夫草篆又何所本乎 艮齋雜說吳人語

云天下歌家王百穀山中驛吏趙凡夫相傳百穀家

居申少師予告歸里車騎闐門賓客墻進兩家巷陌
各不相下凡夫卜築寒山搜剔泉石又得卿子為妻
靈均為子貴遊麋至幾同朝市兩君可稱處士之
特矣然題之曰歇家曰驛吏豈非春秋之筆乎

趙凡夫山居為祠堂今改為報恩寺

蘇州府志宦
光子均歿無

後其宅改為僧廬人猶稱趙墳亦
曰報恩寺有老梅二株頗奇古

高人心力盡石在道長存古佛同居任名山即子孫飛

泉穿樹腹奇字入雲根夜半藤蘿月鐘聲冷墓門

起二
句是

趙凡夫山居三四句祠堂改寺句意最工後半首形容
入妙曲盡題意○南史劉穆之傳心力俱盡

蔣列明

妃神女舊跡詩揭衣餘石在韓詩外傳道存則國存

古佛見歸雲洞北史楊椿傳居住宅舍不作壯麗華飾

名山見讚佛詩杜詩諸峯羅列似兒孫

飛泉見喜

願雲歸序歐陽永叔詩惟啄槎牙枯樹腹

張如哉曰

山言集覽 卷一
奇字指草篆雲根見石公山杜詩
請看石上藤蘿月詩墓門有棘

靈巖繼起和尚應曹村金相國請住虎邱祖席靈巖

見觀設戒繼起見入天台按蘇州府志震澤縣第九都曹村而震澤本吳江縣地於雍正二年析置則曹村當即震澤之曹村耳又金之俊字彥章吳江人後徙郡城萬歷己未進士本朝晉大學士歷加太傅謚文通虎邱見夜集圖李詩祖席留丹景

應物心無繫觀空老辯才道隨諸佛住山是相公開日

出巖齋鼓天清護講臺居然歌舞地人為放叅來前半首繼

起應金相國請後半首住虎邱祖席也○晉書王濛傳虛已應物白詩身輕心無繫沈休文郊居賦猶觀空以表號王元禮約法師碑辯才無闕游戲神通徐孝穆長干寺衆食碑諸佛淨土相公見雁門尚書行

帝王世紀日出而作黃魯直詩弼魚齋鼓到江船天
清見送何蓉菴講臺見虎邱夜集圖晉書明帝紀居
然可知也杜詩回首可憐歌舞地緒藏百
丈清規僧堂止靜謂坐禪開靜謂放叅也

王增城子彥罷官哭子留滯不歸近傳口信不得

一字詩以歎之

一統志增城縣在廣州府東一百六十二里子彥見短歌

老狗妻孥意辭家苦萬端關心惟少子失計在微官客

夢烏衣巷鄉愁白石灘可憐消息到猶作兩人看

起二句總

挈三四哭子罷官分寫五六虛寫結到口信上○舊唐書柳渾傳千里辭家以干微祿北齊書李元忠傳家事大小了不關心戰國策丈夫亦愛憐其少子乎失計見送子俶青瑤潘安仁詩豈敢陋微官烏衣見白燕吟
灘杜詩反畏消息來王詩清淺白石

其二

庾嶺應逢雁章江莫寄魚遙知雙淚盡不遣一行書家

在無歸趣途窮失所如故鄉宜早去臨發乃長歔

集作吁

前半首寫近傳口信不得一字後半首總寫○一統志

大庾嶺在南安府大庾縣與廣東南雄府分界一名臺

嶺又名梅嶺蘇詩鹿頭北望應逢雁章江見送何蓉

菴注古詩客從遠方來遺我雙鯉魚呼童烹鯉魚中有

尺素書杜詩故憑錦水將雙淚又不寄一行書

字典如往也如左傳公如棠如齊之類劉伯倫酒德頌

縱意所如宋史鄭俠傳長吁數四按梅村律詩無通

用韻者吁應作歔魏書司徒公順傳仰面看屋長歔而

不

言

寄懷陳直方

梅村亡女權厝誌我之仲女禮成歸於相國子孝廉容永字直方時相國

守司農卿而直方北闔得舉司農再相未一歲
用言者謫居瀋陽已而相國召入京為宿衛再
以他事下請室全家徙遼左直方右目眇於律
廢疾者贖居兩月有後命與諸兄弟竟同遣云
按此有寬恩獨留兄弟裘馬等句蓋作於議
贖之時同遣以前也時直方在北故云寄懷

漢法三冬繫秦關萬里流可憐諸子壯不料闔門收要

路冤誰救寬恩病獨留羈栖騎瘦馬風雪阻他州

前四句指

彥升後四句指直方○漢法見又咏古

李遐叔弔古

戰場文秦築長城竟海為關

後漢書鄧騭傳闔門靜

居要路見哭志衍

子瞻謝表尚荷寬恩

羈栖見

送杜汝武杜詩東郊瘦馬使我傷

又十口隔風雪戴

復古詩焚香拜元

日受歲客他州

按東方朔傳年十二學書三冬文史足用而接以十
五學擊劍十六學詩書似以一冬代一年也朱子詩

傳三秋則不止三月矣與朔傳同然梅村亡女權厝
誌相國再以他事下請室家人咸被繫直方在外舍
未就執獄旬月而後讞是彥升未嘗有三年之繫當
亦如杜詩蟄龍三冬卧以冬代月耳觀太史公報任
安書涉旬月
迫季冬可見

其二

百口風波大三生夢寐直膏梁虛早歲辛苦得前身索

米芒鞋雪傭書布帽塵不知公府掾

集作
掾非

可識路旁人

此首皆指直方前半首虛寫後半首實敘○百口見避
亂風波見鴛湖曲白詩世說三生如不謬共疑巢許

是前身杜詩相對如夢寐梅村亡女權厝誌直方孱

然膏梁少年也蘇詩早歲便懷濟物志辛若見遇劉

雪舫晉書羊祜傳李氏子則祜之前身也李長吉詩

索米王門一事無芒鞋見贈蒼雪後漢書班超傳家

貧常爲官傭書以供養陸務觀詩布帽裙襦老管寧
晉書張協傳與張載齊名辟公府掾劉公幹詩從者

盈路
傍

徐季方見聞錄陳直方名容永彥升先生子與閩汀
黎魏曾北場甲午同門一日謂魏曾曰予知四世事
初爲蜀通判子苦嫡母嚴商於外父死乃得歸再世
爲王孫三世爲京師竹林寺僧一日放叅有婦女尋
過偶一目之遂墮落至此八歲時從家大人入寺一
見恍然齋房徑路皆爲記識今雖爲宰相子後世愈
下矣按此詩之三
生前身蓋指其事

其三

萬事偶相值愁中且遣家江山俄轉戰妻子又天涯客
酒消殘漏軍書過落花出門翻自笑安穩只龍沙

觀此
詩語

意蓋作于仲女南歸之時亦俱指直方說前半首遣家
後半首客况也○遣家出魏志程昱傳梅村亡女權厝
誌獨子婦不在遣中相國命將幼穉歸轉戰見讀史
雜詩梅村女誌未幾海警急京江陷北信不至州人一
日數驚天涯見送何省齋譚用之詩碧玉蜉蝣迎
客酒鄭守愚詩酒醒草檄聞殘漏漢書息夫躬傳軍
書交馳而輻輳曾子固詩太守自吟還
自笑安穩見閬園詩龍沙見東萊行

其四

時世高門懼似君誠又稀何辜憂并坐卽免忍先歸苦
語思持滿勞生羨息機向來兄弟輩裘馬自輕肥此首
悱惻衷腸百轉惟其情真是以語妙○時世見二十五
日詩高門見送杜牧武詩何辜今之人書疏殷周以
後其罪或相緣坐左傳僖九年齊侯盟諸侯于葵邱
宰孔先歸苦語見贈願雲師史記句踐世家持滿者

與天（莊子）勞我以生（李詩）曾向長生說息機（范彥龍詩）衣馬悉輕肥（梅村女誌）陳氏家方隆盛時子弟厚自封殖卽難作而室中裝爲在南者分持去相國母夫人於武林聞之曰四郎無私財如妻子何

咏月

長夜清輝發愁來分外明徘徊新戰骨經過舊臺城（去過）
聲秋色知何處江心似不平可堪吹急管重起故鄉情

觀臺城字蓋作於金陵客夜故用故鄉語也前半寔寫後半虛寫○甯戚飯牛歌長夜漫漫何時旦（張子壽詩）夜夜減清輝（曹詩）明月照高樓流光正徘徊（杜詩）但添新戰骨（南史陶潛傳）顏延之經過潛每往必酣飲致醉臺城詳臺城（謝元暉詩）芸黃共秋色（白詩）惟有江心秋月白（李義山詩）中心最不平（鮑詩）催絃急管爲君舞（李詩）
何人不起故園情

訪商倩郊居有贈

沈休文有郊居賦

花影瘦籬根江平客在門曉吟寒入市晚食雨歸村管

記看山爽傭書宿火痕西京游俠傳乃父姓名存

前半切定

郊居後半切定商倩辭俱雅令○花影見送志衍籬根

見高郵道中杜詩江平不肯流杜彥之詩望海樓

中徹曉吟晉書衛玠傳總角乘羊車入市戰國策晚

食以當肉鄭守愚詩牛羊送日獨歸村謝靈運詩序

阮瑀管書記之任晉書王徽之傳西山朝來致有爽氣

耳白詩十里看山歸傭書見懷陳直方韋應物詩空

林無宿火西京見鐵獅歌游俠傳見

又咏古書惟乃祖乃父世篤忠貞

假寐得月

詩不遑假寐李詩促酒喜得月

滅燭貪涼夜牕陰夢不成雲從閉目過月向舉頭生樹

黑漆深影。溪長耐獨行。故人多萬里。相望祇盈盈。先用

字元妙。前半完題。而後半寫題意。妙在不脫月字。○謝

元暉詩。停琴佇涼月。滅燭聽歸鴻。秋興賦。覺涼夜之方

永。梁簡文帝詩。牕陰隨影度。溫飛卿詩。冰簟銀床夢

不成。白詩。靜念道經深。閉目。李詩。舉頭望明月。

張承古詩。樹黑雲歸去。西陽雜俎。人影欲深。杜詩。萬

里共清輝。又與君永相望。盈盈見織女。張如哉曰。盈

盈用禮記

三五而盈

三峯秋曉

蘇州府志。三峯寺在三山。唐咸通十三

年。建。又吳縣三山有三峯地相連接。韋

應物詩。顯

氣疑秋曉

曉色近諸天。霜空萬象懸。雞鳴松頂日。僧語石房烟。清

磬秀羣水幽。花香一泉欲。叅黃蘗義。便向此中傳。

寫得曉字

出如驪龍弄珠○〔寶羣詩〕碧樹分曉色岑參詩高閣逼

諸天〔劉滄詩〕寥落霜空木葉稀〔顧逋翁詩〕風隨松

頂雪〔馬虞臣詩〕僧語石樓空石房見送穆苑先清

磬見宿福源精舍幽花見遇南廂園叟一泉見天王

寺〔趙子昂臨濟正宗之碑〕遊學江左事黃蘗黃蘗種

松闢地有聲師聞之豁然大悟歸鎮州築室滹沱河之

上今臨濟院是也因號臨濟

大師〔陶詩〕此中有真意

按第五句羣水字似與一泉不合若

以爲羣木似與幽花錯出矣俟考

偕顧伊人晚從維摩踰嶺宿破山寺〔感舊集補傳〕

顧湄字伊人

江南太倉人有水鄉集蘇州府志常熟縣

維摩禪寺在虞山北巔破山寺見壽鶴如

樹老不言處秋深無事中雲根僧過白霜信客來紅樵

語隔林火茶烟小院風杳然松下路人影石橋東此詩在踰

嶺未宿時作前半首踰嶺時之遠景後半首漸近破山
寺矣層次如畫○王詩問年松樹老季君虞詩清明
秋序深雲根見石公山筆談北方白雁似雁而小
至則霜降謂之霜信杜牧之詩霜葉紅于二月花錢
仲文詩雲裏隔林火茶烟見蚤起小院見彈琴歌
杳然見繫清湖序人影見送志衍石橋見送致言

維摩楓林絕勝則公獨閉關結足出新詩見示

杜詩

玉露凋傷楓樹林程迥亭曰則公名華通太倉人靈隱具德弟子顏延年詩劉伶善閉關婆娑

論結脚

跌坐

遇賞只枯坐秋林自着霜道心黃葉澹勝事白雲忘澗

水通茶竈山花對石牀靜中幽思足爲我出詩囊

前半首閉

關結足後半首于閉關轉到出詩也○蘇詩兀坐如枯株庾詩秋林栗更肥張道濟詩空山寂歷道心生

吳詩集覽

卷上

世

黃葉見送趙友沂

王詩勝事祇自知

說文澗山夾

水也茶竈見東許九日

徐孝穆詩山花臨舞席石床

見曇陽觀

史記屈原傳故憂愁幽思而

作離騷

陸務觀詩古錦詩囊覓句忙

夜發破山寺別鶴如上人

夜發見再觀打水

得來松下宿初月澹相親山近住難定僧高別更真暗

泉隨去馬急葉捲歸人過盡碧雲處我心慚隱淪

此首從宿

字起亦如假寐得月從滅燭起也三句是發四句是別

後半首夜發後之所見所思○庚詩殘月如初月蕭

慙詩雲來覺山近

僧高見代州

李頎詩高樓聞暗

泉岑參詩春流飲去馬

江詩歸人望烟火

又日暮

碧雲合

詩實獲我

心隱淪見退谷歌

初月澹相親即檣燕語留

人之意此詩似有所諷

苦雨

月令孟夏行秋
令則苦雨數來

響苦滴殘更愁中耳倍明生涯貪舊業天意誤躬耕乞

火泥連屋輸租潦滿城誰家歌舞宴徹曉不聞聲愁中耳倍

明寫盡苦字三四句承愁中五六句又從愁中抽寫雨

事也結句與起二句作對照非欣美語○張文潛詩邺

亭結束問殘更張安國咏雨詞也不管滴碎故鄉心

愁人耳生涯見塗松晚發舊業見雕橋莊歌張道

濟詩天意若人期躬耕見汲古閣歌乞火見臨頓見

杜詩床上書連屋詩話總龜謝無逸常問潘大臨有

新詩否答曰昨日得滿城風雨近重陽句忽催租人至

遂敗人意乾淳歲時記爆竹鼓吹之聲喧闐徹夜

茸城客樓大風曉寒吟眺以示友聖九日玉符諸

子

沈友聖許九
日並已見

偶作扁舟興偏逢旅夜窮鴉啼殘夢樹客話曉樓風月

落三江外城荒萬馬中空持一尊酒歌哭與誰同

前半首客

樓大風曉寒後半首吟眺示友○杜有旅夜書懷詩

秦少游詩落紅滿地乳鴉啼殘夢見秋夜不寐

周衡

之詩蒲團延客話杜牧之詩曉樓烟檻出雲霄

三江

見林屋洞杜詩城荒草木深萬馬見雁門尚書行

沈休文詩勿言一尊酒明日

難重持歌哭見閬園詩

遇宋子建話故友有感

梅村宋讓木詩序宋氏之以詩鳴者隱莫如子建幸

莫如直方程迓亭曰子建名存標華亭

人故友謂其兄讓木也讓木名微璧

對酒徐君劍披襟宋玉秋蕭條當晚歲生死隔炎洲萬

里書難到三山夢可求

原注子建學仙

傷心南去雁老淚只交

流

起二句遇宋子建三四話舊友五六就子建說結句就自已說○徐君劍見送徐次桓第二句見宮扇

晚歲見送何省齋宋讓木詩序君累不得志于計偕

凡六上始收不幸遂遭末造憂生傷亂踰十年始出

錢仲文詩雨露隔炎洲讓木詩序既已簪筆侍從又不

獲已從事于戎馬鉦鼓之間主者差其勞勩奏授一郡

崎嶇嶺海燠然其遺民刻廉自苦七年不得調

獨下千行淚開君萬里書崔崗詩胡越書難到

忽聞海外有三山儲光義詩南雁將

何歸白詩寒波與老淚此地共潺湲

樓聞晚角

杜牧之詩風送孤城臨晚角

霜角麗譙聞天邊橫海軍旗翻當落木馬動切寒雲風

急城烏亂江昏野燒分何年鼙鼓息倚枕向斜曛

首句完題

面次句點出在葦城也三四旗馬承軍字說仍含晚字在內五六樓上之所見結句聞角之所思俱不脫晚字

意○詞名有霜天曉角却掃編顏師古曰樓一名譙故
謂美麗之樓為麗譙橫海見葺城行劉孝孫詩耀
日采旗翻落木見送何省齋天戴禮馬動而鸞鳴字
典切迫也寒雲見遇劉雪舫杜詩風急天高猿嘯哀
左傳襄十八年城上有烏白詩江昏水暗流又野
火燒不盡鼙鼓見遇劉雪舫陳仲衆詩晴窓展玩
到斜曛

送錢子璧赴大名

一統志大名府在
京師西南一千一百二十里

一騎衝寒雪孤城叫晚鴉。參軍雄鎮地上客相公家酒

盡河聲合燈殘劍影斜。信陵方下士旅思莫興嗟。

首句紀時

次句指大名說參軍上客俱指子璧五六在大名之景
結句慰藉是寫送字○更記李將軍傳嘗夜從一騎出
衝寒見送孚令晚鴉見送張青瑯參軍見臨江參
軍白詩浙右推雄鎮一統志大名府元祐元年賜號天

雄軍節度

上客見行路難相公見雁門尚書行明史

成基命傳

字靖之大名人崇禎二年拜禮部尚書兼東

閣大學士

入閣輔政謚文穆酒盡見鴛湖曲河聲見

黃河

李有中詩篷底一燈殘駱賓王螢火賦同劍影

之埋豐

一統志大名府戰國屬魏衛二國史記信陵

君傳

魏公子無忌者封爲信陵君公子爲人仁而下士

王子安詩

悠悠旅思難梁簡文帝

答湘東王書

臨岐有歎望水興嗟

曹秋嶽

答子璧詩有云瑤笙夜咽浮邱嶺繡轂春移

大麓風

游覽及時筋力健莫令燕趙獨豪雄時子璧

亦在大名也

按大名成光字仲謙青壇相國子也有

送錢子璧

師南歸詩云自昔人歌行路難歸途雨雪

幸加餐

明珠未合塵中擲神劍須從斗外看淡歲春

風留絳帳

數聲秋雁急征鞍躊躇分手清何限玉漏

清尊午夜寒

成文穆卒於崇禎八年此云相公家蓋

在文穆身後

而仲謙以子璧爲師故云上客也信陵

公子亦指仲謙

滑縣朱驊字汗朱送錢子璧還江南

詩相思幾載

隔漁磯纔得逢君又送歸日暮離亭簫

鼓歇滿天落葉向人飛。衛水秋深雁陣遲。黃花開
向送君時。且拚爛醉登高酒。明歲花開知對誰。

吳詩集覽卷十下

五言律詩三之下

過諸乾一細林山館

見九峯草堂歌序按王貽上贈諸乾一詩有細林主人老

耽隱之句

興極期偏誤名山識旅愁橋痕穿谷口亭影壓溪頭霞

爛丹山鼎松鳴白石樓居然華燭夜先爲一峯留

遊山而先

說誤期亦不肯用平筆也橋痕亭影在山館之外霞鼎松樓在山館之內結句與起句相應張如哉曰丹山

鼎謂彭仙人白石樓謂白石道人也○興極見嘲張南

垣詞名有誤佳期名山見讚佛詩王少伯詩向晚茫

茫發旅愁杜詩谷口舊相得陳去非詩遊魚聚亭

影王無功詩更坐北溪頭李詩羨君素書常滿案含

丹照白霞色爛丹山見送龔孝升盧昇之詩圓洞開丹鼎白石見九峯歌石樓見文長山館後漢書班固傳精曜花燭俯仰如神

一峯見讚佛詩其三

神山夜宿贈諸乾一

見九峯草堂歌序

高士能調鶴仙人得卧龍穿雲三徑杖聽月五聲鐘管

樂名堪亞彭佺道自濃獨來天際住嘯詠赤城松

前半首詠

神山而乾一在其中後半首詠乾一而神山在其中詞

意周到劉元濟詩列鼎俱調鶴三國志徐庶謂先

主曰諸葛孔明卧龍也穿雲見鶴如五十三徑見遣

悶唐明皇詩歌鐘聽月虛曹堯賓詩漏苦霜傳五夜

鐘管樂見哭志衍蜀志諸葛亮傳評曰可謂識治之

良才管蕭之亞匹矣按彭佺彭祖偁佺也神仙傳偁

全以松子遺堯堯不暇服也時人服者皆至二三百歲

李義山詩許掾全家道氣濃天際見石公山晉書

阮孚傳正應端拱嘯咏以樂當年耳赤城見讀西臺記

過徐文在西余山莊

梅村九峯草堂歌徐公別墅琴樽興自注文貞別業在西

余則文在益文貞之裔也明史徐階傳謚文貞

已棄藍田第還來灞水濱烟開孤樹迥霜淨一峯直路

曲山迎杖廊空月就人始知蕭相計留此待沉淪

過山莊而

先言棄第與過山館而先言誤期筆勢相似三四西余之景五六山莊之景結到文貞與起處相應○漢書竇嬰傳屏居藍田南山下陳卧子詩竇嬰別業在藍田水經注灞水出藍田縣藍田谷梁簡文帝詩烟開四郊謚杜詩白屋留孤樹郝伯常詩霜淨楚天遠一峯見讚佛詩其三司空表聖詩品柳陰路曲流鶯比鄰

王仲初詩夜山秋雨滴空廊孟詩江清月近人蕭相見退谷歌沉淪見遇劉雪舫

細林夜集送別倩扶女郎

毛大可西河詞話雲間諸進士嗣郢董孝廉俞

諸君曾於重陽後作神山之會卽彭仙人棲神處也時婁東吳學士偉業在座連遣覓女郎倩扶必不得夜分漚上張宏軒刺史錫鐸來赴投刺後學士命以已車迎入使者傳覆需兩車人頗訝之及至則挾一衣冠少年光豔暗射若薄雲籠月人各却步且不敢詢姓氏及移燭燭之則倩扶也一座譁然蓋是時倩扶已與宏軒定情久矣宏軒有意難忘初晤殢人嬌惜別鳳樓梧寄憶再晤諸詞流傳人問其序曰時維秋月節屆登高思逸事於龍山遇佳人於鶴浦啣杯浹日判袂經旬兔簡頻濡鴻箋數寄堪笑粘泥之絮翻憐逐水之萍品具高韻人更澹於黃花感此微詞意每傷於綠葉後倩扶有寄宏軒主人詩其落句云不道離愁深似許輕教分手盼重過予和詩云但遇龍山高會後尙疑青雀夜來過正暗刺前事也張如哉曰呼女爲郎本木

蘭詩不知木
蘭是女郎

遠翠入嚙眉輕寒袖半垂花生神女廟月落影娥池深

竹微風度晴沙細履移回看下山路紅燭為誰遲

起處極贊

倩扶三四細林夜集然月落句已引出送字意後半送

別仍不脫細林夜集四字也○溫飛卿詩遠翠愁山入

卧屏晉書戴逵傳舍寔逐聲之行是猶美西施而學其

顰眉劉孝綽詩輕寒朝夕殊馬伯庸詩金屈厄邊醉

袖垂賀方回詞半垂羅幕護窗紗神女廟見過圻村

西京雜記漢武於望鵲臺西起俯月臺臺下穿影娥

池每登臺眺月影入池中因名影娥池王詩洞房映

深竹微風見看梅感興白詩護江堤白蹋晴沙秦少

游詞金谷俊遊銅駝巷陌新晴細履平沙孟詩迴瞻

下山路柳子厚詩席上燒紅燭李義山詩清管為誰

調

按常熟縣有影娥川卽琴川發源處則神女廟影娥池九峯應別有之非指圻村之廟漢武之池也

天馬山過鐵崖墓有感

見九峯草堂歌序

天馬龍爲友。雲山鳥自飛。定愁黃紙召。獨羨白衣歸。長

卷心同苦。狂歌調已非。悲來吹鐵笛。莫笑和人稀。

梅村不能

爲鐵崖故所感獨深後半首連自己已在內非泛作憑弔

語也

○漢書禮樂志

今安匹龍爲友注謂天馬也

釋

元覽詩長空任鳥飛

白詩黃紙除書落枕前

明史

楊維禎傳洪武二年太祖召諸儒纂禮樂書以維禎前

朝老文學遣翰林詹同奉幣詣門維禎謝曰豈有老婦

將就木而再理嫁者耶明年復遣有司敦促賜安車詣

闕庭百有一十日卽乞骸骨帝成其志仍給安車還山

宋濂贈之詩曰不受君王五色詔白衣宣至白衣還

古詩志士多苦心

徐偉長中論或披髮而狂歌

維禎傳酒酣以往筆墨橫飛或戴華陽巾披羽衣坐船屋

上吹鐵笛作梅花弄或呼侍兒歌白雪之詞自倚鳳琶
和之賓客皆踴躍起舞以為神仙中人

此曲和人稀

葉子吉弔鐵崖墓詩先生不可見遺塚自斜暉無復
攜紅袖還聞塋白衣才銷明主忌老幸故人依鐵笛
吹雲起猶疑踏月歸

陳徵君西余山祠

見九峯草堂歌序陳仲醇岩棲幽事丁酉始得築婉孌草堂于

二陸遺址故有長者為營栽竹地中年方愜任山心之句

通隱居成市風流白石仙地高卿相上身遠亂離前客

記茶龕夜僧追筆冢年故人重下拜酹酒向江天

此詩佳處

在第四句非他手可及也餘亦工穩○梁書何點傳時人號為通隱南史沈麟士傳時為之語曰差山中有賢

士開門教授居成市梅村九峯草堂歌自注眉公自號白石道人梅村修太白山人墓記後百餘年雲間白石山人者復出當海內無事積薪厝火中外宴安山人得于其間交王公營聲譽自比于陶宏景戴安道為通隱未幾椽人再竊柄黨禍兵禍紛糾于不可解典龕浮圖塔一曰塔下室筆冢見蒼公塔左傳僖九年敢不下拜後漢書張魚傳召主簿於諸羌前以酒酹地江天見巫峽

橫雲

見九峯草堂歌序

青嶂千金鑿丹樓百尺高空山開化迹異代接賢豪

原註

李氏園亭廢後近為諸乾一改築

身世供危眺妻孥付濁醪雙眸雲背

豁飛鳥敢吾逃

前半題面已完後半主客俱在內○沈休文詩峻嶒起青嶂世說顧長康曰

遙望層城丹樓如霞晉書樂志百尺高樓與天連顧愷之定命論夫建極開化樹聲貽則賢豪見贈雪航

〔廼賢詩〕至今豪俠人危眺屢驚縮 濁醪見磬清湖

雲背

〔溫飛卿詩〕一千二百逃飛鳥

按末二句即决昔入歸鳥五字也

送聖符弟之任蘄水丞

〔梅村德藻稿序〕與兄聖符俱有聲於藝苑〔一統志〕蘄

水縣在黃州府東

南一百一十里

隨牒爲人佐全家漢水東放衙廳壁冷趨府戟門雄屈

宋風塵下江山醒醉中丈夫從薄祿莫作故園窮

起二句是

蘄水丞三四丞之職事後半首爲聖符慰藉結句回應

起處○隨牒見高涼司馬行〔一統志〕漢水至漢陽府

城東北會大江大江自漢陽府黃陂縣流入黃州府黃

岡縣界又東南流入蘄州界放衙見簡姜明府廳壁

見送沈旭輪趨府見送純祐周禮天官注棘門以戟

爲門〔唐書〕杜審言傳吾文章當得屈宋作衙官世說

王戎云太尉自是風塵外物
陶詩醒醉還相笑
杜詩上有記者累奏資薄祿

其二

四十未專城除書負姓名才高方薦達地僻鮮逢迎夏

簞琴床淨春泉茗椀清公餘臨墨沼洗筆畫圖成
原注

陸羽泉右軍洗筆池聖符善畫前半首是蕲水丞後

半首寫聖符興致也仍從蕲水點染○古詩四十專城

居陸務觀詩空向除書見姓名晉書盧諶傳才高

行潔為一時所推薦達見王維夏北行地僻見琴清

湖逢迎見送張孺高隋煬帝詩夏簞蔭修竹琴床見

東許九日湖廣通志蕲簞山蕲州庾詩春泉下玉溜

茗椀見石谷山水歌湖廣通志松蘿出黃州府王元

之詩公餘多愛入林泉柳子厚詩小學新翻墨沼波

白孔六帖白樂天每一詩成輒洗其筆一統志蕲水縣

東鳳山之陰蘭溪之陽有泉出石罅為蘭溪其在寺庭

之除爲陸羽烹茶之泉其在鳳山之陰爲
逸少澤筆之井王陸二水皆蘭溪一源耳

其三

西上今吾弟分攜北固樓取局搔白首何處望黃州故

舊忻無恙烟波感昔游
蕲春有香草相寄慰離愁

原注兼東

畢協公侍御

此首以自已夾敘前半首送聖符後半

首東侍御也

○分攜見贈顧雲師北固見閬園序張

文昌詩看山多上最高樓

杜詩白頭搔更短黃州無

恙見壽龔芝麓

江總持詩日向烟波長魏文帝與吳

質書追思昔游猶在心目

蕲春見壽龔芝麓南都賦

其香草則有薜荔蕙若薇蕪蓀蓂王詩香草爲君子胡

廣通志崇禎十年丁丑進士畢十臣蕲水人御史按十

臣梅村丙子所取士也

杜牧之詩當筵雖一醉寧復

緩離

愁

其四

訪俗曾經亂車過大澤鄉殘民談勝廣舊國記江黃甘

載流移復三湘轉運長正逢休息後 溫詔重循良此亦

以自已夾敘蓋梅村訪于前而聖符又訪于後也切定

蘄水歸到循良立言有體○袁伯長詩訪俗感素心

史記陳涉世家陳勝者陽城人也字涉吳廣者陽夏人

也字淑二世元年發閭左適戍漁陽九百人屯大澤鄉

徐廣曰在沛郡蘄縣 殘民見高郵道中莊子舊國

舊都望之暢然江黃見哭志衍 流移見松山哀 三

湘見哭志衍予瞻上神宗畫天下之財自郡縣而至于

轉運轉相鈎較足以爲不失矣 休息見感事 循良

見遇南

廂園叟

暑夜舟過溪橋示顧伊人

深岸聽微風江清不寐中舟行人影動橋語月明空寺

樹侵門黑漁燈颭水紅誰家更吹笛歸思澱湖東三四工絕

餘亦雅令○杜詩細草微風岸孟詩江清月近人

人影見送志衍張承吉詩樹黑雲歸去陸務觀詩

孤舟風雨伴漁燈柳子厚詩驚風亂颭芙蓉水李詩

誰家玉笛暗飛聲杜必簡詩歸思欲沾巾澱湖見茸

城行

橋語月明空似從僧語石
樓空化出而意境更遠

佘山遇姚翁出所畫花鳥見贈

七十忘機叟空山羨獨行只今來白石當日住青城一

斗開顏笑千花洗筆成那知牙齒落忽發浩歌聲曲盡題面

贈畫只用輕點○莊子漢陰丈人曰有機械者必有機
事有機事者必有機心李詩我醉君復樂陶然共忘機
白石見九峯歌元和郡國志青城縣因山為名王
賈經青城山為第五大洞寶仙九室之天一斗見行
路難李詩開顏酌美酒沈雲卿詩雲間樹色千花滿
洗筆見送聖符弟客難唇腐齒落浩歌見避亂其
五

贈青溪蔡羽明

青溪見九峯歌序

家傍山城任前賢定可追一經傳漢相八法繼秦碑仙

是麻姑降才非唐舉知逃名因賣藥不愧鹿門期

此首點染

入妙○庾詩山城足迴樓

漢書韋賢傳字長孺魯國

鄒人也兼通禮尚書以詩教授代蔡義為丞相少子元

成復以明

經歷位至丞相鄒魯諺曰遺子黃金滿贏不
如一經說文自秦壞古文更用今體一曰大篆二曰

小篆三曰刻符四曰蟲書五曰摹印六曰署書七曰殳書八曰隸書杜詩孤嶂秦碑在（神仙傳）王方平降蔡經家並召麻姑（史記）蔡澤傳唐舉見蔡澤熟視而笑曰吾聞聖人不相殆先生乎蘇詩莫從唐舉問封侯但遣麻姑更搔背（按四句皆用蔡氏事也）（後漢書）韓康傳採藥名山賣於長安市口不二價曰我本避名今女子皆知有我何用藥為乃遁入霸陵山中（後漢書）逸民傳郭正稱法真曰逃名而名我隨（又）龐公攜其妻子登鹿門山因採藥不反

杜詩空有鹿門期

第三句蔡義第四句伯喈與蔡經蔡澤俱跟前賢句說下結則就前賢而推廣言之此體益起於子瞻贈

張子野

橘

莫設西山戍

（原注）時洞庭初增兵將

蕭條是橘官果從今歲少樹

為去年寒

原注昨冬大寒橋大半枯死

一絹輸將苦千頭剪伐殘茂

陵消渴甚只向上林看

通首言橋之少是取別徑法○杜詩西山白雪三城戍抱朴

子漢武時交趾有橋官秩二百石主貢橋

按吳江縣

志順治十一年冬大寒太湖冰厚二尺連二十日橋柚

死者過半見老圃閒談然此詩編次於南歸後蓋在十

一年以後者居易錄庚午冬自京口達杭州裏河皆凍

江南相橘樹皆枯死此又在梅村作詩以後者一絹

詳贈陳定生漢書鼂錯傳屯戍之事益省輸將之費益

寡千頭見送李友梅剪伐見礬清湖茂陵消渴甚

見蘋婆上林賦於是乎盧橘夏熟注此雖賦上林博

引異方珍奇

不係於一也

蛤蜊

本草綱目蛤蜊生東南海中白殼紫唇大二寸者閩浙人以其肉充海錯亦作為醬醃

彊飯無良法全憑適口湯食經高此族酒客得誰方水

斷車螯味厨空牡蠣房江南沈昭畧苦嗜不能嘗工穩之作

結有別趣○彊飯見別字令玉海隋唐所謂社倉者亦

近古良法也南史齊豫章王嶷傳妃庾氏躬營飲食

雖豐儉隨事而香淨適口魏書崔浩傳浩著食經梁

元帝謝賚蛤蜊車螯啟車螯味高食部名陳物志漢

書陳遵傳黃門郎揚雄作酒箴以諷諫成帝其文為酒

客難法度士西陽雜俎車螯牡蠣故宜長充庖厨永

為口寔本草綱目車螯南海北海皆有之采無時其肉

食之似蛤蜊而堅硬不及又蠣房晉安人呼為蠓莆

初生止如拳石四面漸長至二丈者蘄巖如山俗呼蠓

山每一房內有肉一塊大房如馬蹄小者如人指面每

潮來諸房皆開有小蟲入則合之以充腹海人取者皆

鑿房以烈火逼之挑取其肉當食品其味美好更有益

也海族為氣貴南史沈昭畧傳字茂隆又王融傳遇

沈昭畧未相識昭畧屢顧盼謂主人曰是何年少融殊

不平謂曰僕出於扶桑入於陽谷照耀天下誰云不知

而卿此問昭畧云不知許事且食蛤蜊融曰物以羣分

方以類聚君長東隅居然應嗜此族

按苦嗜即酷嗜酷嗜見通天帖

膾殘

博物志吳王江行食鱸有餘棄於中流化為魚今魚中有名吳王鱸魚者長數寸大者如

箸猶有鱸形神僧傳誌公嘗於臺城對梁武帝喫鱸昭明諸王子皆侍側食訖武帝曰朕不知味二十餘年矣師何為爾誌公乃吐出小魚依依鱗尾武帝深異之今秣陵尚有膾殘魚也本草綱目時珍曰按博物志云吳王闔閭江行食魚鱸棄其殘餘於水化為此魚故名或又作越王及僧寶誌者益出傳會不足致辯

按吳郡志謂吳王孫權所舍亦非

棄擲誠何細夫差信老饕微茫經七箸變化入波濤風

俗銀盤薦江湖玉饌高六千殘卒在脫網總秋毫

通首善於

點染三四工妙

○棄擲見後東臯歌杜詩促織何微細

宋史劉黻傳

迺今老饕自肆

微茫見龍腹竹歌蜀

志先王傳先王方食失匕箸 高逵夫詩忠信涉波濤

文通兎園賦碧玉作盃銀為盤 杜詩蒙將玉饌俱

史記越世家君子六千人伐吳 晉

書慕容垂載記脫網之鯨豈呂所制

石首

本草綱目石首魚生東南海中其形首有白
石二枚瑩潔如玉至秋化為冠鳧即野鴨有

冠者也

採鮮諸俠少

集作狹少非

打鼓伐藏冰五月三江去千金一

網能尾黃荷葉葢腮赤柳條勝笑殺兒童語烹來可飯

僧

善于體物結有別趣○吳江葉學山有採鮮詞俠少
見王郎曲松江府志石首俗呼黃魚每夏初賈人

駕巨舟羣百人呼噪出洋先於蘇州水廩市冰以待謂

之冰鮮鹽晒為鱸曰白鯊金山青村為盛百詩就荷

葉上包魚鮮謝無逸詞柳條帶雨穿雙鯉舊唐書

王縉傳元載杜鴻漸與縉喜飯僧東坡志林僧謂酒為

般若湯魚為水梭花雞為鑽離菜竟無所益但欺而已
周櫟園書影養字從養之半相傳最養人漸僧以佛經
中有南海有魚其名石首比丘有疾食肉四兩語恣啖
之然皆無賴掛褡所為稍持戒律者不至藉經言為口
也

燕窩

周櫟園閩小紀燕窩有烏白紅三種惟紅者
最難得白者能愈痰疾紅者有益小兒痘疹

署憲臆說燕窩名金絲海商云海際沙洲生蠶
螺臂有兩肋堅潔而白海燕啄食之肉化而肋
不化并津液吐出結為小窩啣飛渡海倦則棲
其上海人依時拾之以貨紫色者尤佳湖海搜
奇出廣東陽江縣乃海燕
採小魚營巢故名燕窩

海燕無家苦爭啣白小魚却供人採食未卜汝安居味

入金齋美

集作

巢營玉壘虛大官求遠物

太

早獻上

林書

前半賦物之工後半比也亦賦也○張子壽詩海

羣分命

天然二寸魚

禮民安其居樂事勸功

南都

烟花錄

南人魚鱸細縷金橙拌之號為金齏玉鱸蘇詩

莫將南海金齏鱸輕比東坡玉糝羹一統志玉壘山

在成都府灌縣西北此借用

漢書百官公卿表師古

不寶遠物則遠人格上林見永和宮詞

海參

閩小紀參益人海參得名亦以能溫補

也生於土者為人參生於海者為海參

預使燂湯洗遲纔入鼎鑊禁猶寬北海原注產登萊饌海中故無禁饌

可佐南烹

莫辨蟲魚族休疑草木名但將滋味補勿藥

養餘生前半可補食經後半就參字生情○禮燂湯請

湯也

洗集說燂溫也玉篇燂本作燂集韻燂沈肉於

阿房宮賦鼎鑊玉石

漢書地理志北海郡景

帝中二年置屬青州一統志漢青州領平原千乘濟南

齊北海東萊六郡又登州府境三面皆距海萊州府境
海濱之州縣五韓詩自宜味南烹蟲魚見遣悶
後漢書崔瑗傳盛修肴膳殫極滋味易
无妄之疾勿藥有喜餘生見送周子俶

比目

宋書符瑞志比目魚王者德及幽隱則見本草綱目比目魚各一目相並而行也爾雅所

謂東方有比目魚不比不行其名曰鰈是也段氏北戶錄謂之鰈音兼吳都賦謂之鮓音介上林賦謂之鮓音墟臨海志名婢徒魚臨海風土記名奴鰈魚南越志名版魚南方異物志名箸葉魚

比目誠何恨滄波作伴游幸逃網罟厄可免別離愁小

市時珍改殘書土物收若逢封禪詔定向海邊求

原註得東

海比目魚始可封禪見管子拓開一步○杜詩何恨依山木

前半完題面後半演迤柳文暢詩太液滄波

起宋延清詩作伴誰憐合浦葉小市見磬清湖王浚詩蘭羞備時珍殘書見王菴看梅書惟土物愛厥心臧史記封禪書管仲曰古之封禪東海致比目之魚西海致比翼之鳥按朱道民管子椎封禪第五十元篇亡以封禪書所載管子言補之梅村所見或完書與

鯨

本草綱目石首魚乾者名鯨鯨能養人人恒想之故字從養以白者為佳故呼白鯨按鰠魚鰮

魚皆可為鯨

舊俗魚鹽賤貧家入饌輕自慚非食肉每飯望休兵餘

骨羶何附長餐臭有情腐儒嗟口腹屬饜負昇平

起句

餘亦勻稱

舊俗見新都

貧家見遇南廂園叟杜詩

白白江魚入饌來

左傳莊十年肉食者鄙

史記馮

唐傳

今吾每飯意未嘗不在鉅鹿也魏志公孫瓚傳不

如休兵

莊子羊肉不慕蟻蟻慕羊肉羊肉羶也舜有

吳詩集卷

卷二十一 下

羶行百姓悅之故三徙成都至鄧之墟而十有萬家

陶詩惆悵念長餐蘇州府志石首魚今惟出海中吳人以棟花時為候時已微熱魚多肉敗氣臭習慣嗜之故

有忍臭喫石首之譏年來沿海大家始藏冰悉以冰養魚遂不敗

荀子括囊無咎無譽腐儒之謂也左傳

昭二十八年以小人之心屬厭而已潘安

仁西征賦既餐服以

屬饜昇平見琵琶行

顧瞻泰曰三四句

蓋有海警時作

過吳江有感

蘇州府志吳江縣在府南四十里

落日松陵道堤長欲抱城塔盤湖勢動橋引月痕生市

靜人逃賦江寬客避兵廿年交舊散把酒歎浮名

前半首過

吳江後半首有感市靜由于人逃江寬由于客避引起散字浮名指自己說

一統志吳江縣唐曰松陵鎮

又長堤在吳江縣東宋慶歷二年以松江風濤漕運多
敗舟遂接續松江長堤界於江湖之間明萬歷三十三
年重築長八十三里許仲晦詩水光千里抱城來蘇
州府志寧境華嚴講寺在吳江縣東門外宋元祐四年
邑人姚得瑄建方塔七成輟耕錄吳江長橋七十二
洞元泰定二年甃以石陸務觀詩寂寂中庭伴月痕
段成根贈李寶詩聞諸交舊累聖疊曜按吳江縣志
國初邑之高蹈而能文者相率為驚隱詩社起順治庚
寅四方同志咸集相與趺林泉優游文酒角巾方袍
時往來於三江五湖間其後史案株連同社有罹法者
社集遂輟二十年交舊梅村益感其事
與把酒見東萊行浮名見別孚令

莫釐峯

一統志洞庭東山在吳縣西南太湖中史記正義謂之莫釐山吳縣志相傳隋莫釐

將軍居此故名

始信一生誤未來天際看亂峯經數轉遠水忽干盤獨

立久方定孤懷驟已寬亦知歸徑晚老續此游難

起二句有

飛動之勢三四咏峯五六游興結有餘波與起處相應

○天際見石公山

朱子詩高旻矗亂峯

遠水見送

穆苑先

蘇詩蜀道走千盤

孤懷見

送趙友沂

謝元暉詩歸徑宵如迷

送沈友聖漢川哭友詩

并序

漢川顧西巘侍御與雲間沈山人友聖爲布衣

交使吳深自折節友聖長揖就坐箕踞狂嘯無

所不敢當所居田坳蓬蔚衡門兩版侍御出郊

枉訪停車話舊一郡皆驚西巘亡友聖徒步三

千里哭之糧盡道寒直前不顧予與友聖交厚

侍御亦以友聖之故厚予嘗三人虎邱夜飲其

鄭重之意形諸圖畫見於歌詩漢川之行惜予

不能從也爰作詩寓其悲焉一統志漢川縣在漢陽府西北一百

二十里西嶽友聖并已見史記范雎傳秦

昭王遺平原君書曰寡人聞君之高義願與君

為布衣之交蜀志費禕傳為昭信校尉使吳

戰國策武安君曰王折節以下其臣後漢

書趙壹傳司徒袁逢受計計吏數百人皆拜伏

庭中壹獨長揖逢則歛衽下堂延置上坐箕

踞見行路難元詩官借江邊宅天生地勢坳

潘正叔詩顧茲蓬蔚毛詩傳衡木為門言淺

陋也王炎元日詩兩版不須書鬱壘漢書樓

護傳時成都侯商為大司馬衛將軍罷朝欲候

護其主簿諫將軍至尊不宜入閭巷商不聽遂

往至護家家狹小官屬立車下史記淮陰侯

傳一軍皆驚鄭
重出漢書王莽傳

士有一知已無須更不平世翻嫌鮑叔人竊罵侯生置

飲忘形踞停驂廢禮迎柴門車轍在感舊淚縱橫此首寫西

巘交誼是哭友之由末句點出哭字虞翻別傳使天

下一人知已者足以不恨鮑叔見送詹司理史記

信陵君傳公子從車騎虛左自迎夷門侯生公子執轡

愈恭從騎皆竊罵侯生唐書孟郊傳性介少諧合韓

愈一見為忘形交謝元暉詩停驂君悵望左傳桓六

年以器幣則廢禮史記陳丞相世家以弊席為門然

門外多有長者車轍曹顏遠

有感舊詩杜詩四座淚縱橫

其二

得信俄狂走千山一哭中棄家芒屨雪為位草亭風雨

水江聲合三生友道空祇留黃鶴夢相見話詩翁

從哭字直

起是跟前首未句來也後半點化漢川○狂走見避亂

干山見贈願雲師杜詩親朋盡一哭芒屨見贈願

雲師禮為位而哭杜詩乾坤一草亭一統志漢水

至漢陽縣北漢口入江一名污水一名沮水甘澤謠

僧圓觀與李源為忘年交後觀托身王氏約十二年後

秋夜會於杭州天竺寺外既至歌曰三生石上舊精魂

賞月吟風未要論慚愧情人遠相訪此身雖異性常存

一統志黃鶴樓在武昌府江夏縣西王介甫詩幾

人談笑

伴詩翁

其三

貧賤誰曾託相逢許此身論文青眼客漬酒白衣人邱

壠松楸冷江山薤露新一杯傾漢水不肯負春申

此申言第

一首第二首之意○孔叢子宮他見子順曰他困貧賤將欲自托富貴之門何向而可史記聶政傳老母在政未敢以身許人也青眼客見壽龔芝麓漬酒見過斬王墓按白衣人用衣白者山人也詳西田賞菊邱壠見韓蘄王墓李遠詩謝公何處掩松楸薤露見讀西臺記注百詩逢花傾一杯漢水見二十五日詩史記春申君傳春申君者楚人也名歇姓黃氏客三千餘人按漢川楚分故引之

其四

徒步愁糧盡傷心是各天雲埋大別樹雪暗小孤船死

友今朝見狂名到處傳范張千里約重補入晴川

此首歸重

友聖亦用漢川點染○後漢書徐穉傳嘗為太尉黃瓊所辟不就及瓊卒歸葬穉乃負糧徒步到江夏赴之

古詩各在天一涯

雲埋見釣突泉大別見二十五日

詩

楊炯詩

雪暗雕旗畫小孤見贈李雲田

後漢書

趙岐傳出行乃得死友姚合詩通酒怕狂名
范式張劭見讀西臺記注晴川見虎邱夜集圖

秦留仙寄暢園三詠

原注同姜西溟嚴蓀友顧伊人作國朝詩別裁集秦松

齡字留仙江南無錫人順治乙未進士入翰林

罷歸康熙已未

召試博學鴻詞官諭德姜

宸英字西溟浙江慈谿人康熙丁丑進士第三

人官編修著有葦間詩集嚴繩孫字蓀友江南

無錫人康熙已未

召試博學鴻詞官檢討

遷中允著有秋水集常州府志秦氏寄暢園在

無錫惠山寺左正德中秦端敏公金置引澗

泉作池聲若風雨二百餘年易主而不易姓

山池塔影

黛色常疑雨溪堂正早秋亂山來衆響倒景漾中流似

有一帆至何因半塔留眼前通妙理斜日在峯頭

張如哉曰

一句山二句池三四句以山響陪出池影五六句以一
帆托出半塔七八句言影所由來又回顧山字與返照
入江翻石壁同妙○何仲言詩臨橋看黛色溪堂見
送周子俶庾子慎詩九江逢七夕初弦值早秋亂山
見苑先往桐廬謝靈運山居賦日倒影于椒塗中流
見磬清湖序一帆見塗松晚發許有壬字可用詩
疎竹呈半塔庾詩山花即眼前北史高允
傳天下妙理至多陰子堅詩翠柳將斜日
常州府志王達錫山塔影詩星河拂曙鐘初定平湖
水碧天開鏡青山孤塔勢凌寒影入平湖鏡裏看沙
明宛若長虹卧一雁斜飛驚欲墮朱欄曲曲氣層層
蒼茫何處覓殘僧晚來記得漁郎語風雪蛟人夜試
燈

惠井支泉

石斷源何處涓涓樹底生遇風流乍急入夜響尤清枕

可穿雲聽茶頻帶月烹只因愁水遞到此暫逃名

首二句原

題三四形容入妙五六咏嘆結句另入佳境又一咏嘆法也○李詩石斷寒泉流涓涓見海戶曲李義山

詩流處水花急杜詩隨風潛入夜王仲宣詩流波激

清響世說孫子荆曰所以枕流欲洗其耳穿雲見鶴

如五十宋史張愈傳眠雲聽泉曹業之詩孤吟對月

烹芝田錄李德裕喜惠山泉在京置驛遞鋪號水遞

有僧曰為相公通水脉京師一眼井與彼脈相通公取

二瓶襍他水十瓶遣僧辨析僧止取二瓶逃名見贈

明蔡羽

宛轉橋

莊子與物宛轉韓君平詩綠水迴通宛轉橋

斜月掛銀河虹橋樂事多花欹當曲檻石礙折層波客

子沉吟去佳人窈窕過玉簫知此意宛轉采蓮歌

前半是寫

後半咏嘆俱有宛轉字在內○子夜歌斜月垂光照銀

河見青門曲盧子行詩虹橋別有羊車路李詩君王

多樂事李涉詩花欹渾拂檻曲檻見拙政園梅聖

俞詩暗石惟愁凝層波見西田詩魏文帝詩客子常

畏人沉吟見雁門尚書行司馬長卿長門賦夫何一

佳人兮窈窕見遣悶其五玉簫見六直歌宛轉歌

見七夕卽事南史羊侃傳自

造采蓮棹歌兩曲甚有新致

慧山酒樓遇蔣翁

慧山見玉京墓序張
正言詩偏宜上酒樓

桑苧誰來繼名泉屬賣漿價應誇下若味豈過程鄉故

老空山裏高樓大道旁我同何水部漫說撥醅香

前半首慧

山酒樓後半首蔣翁未用夾敘法○唐書陸羽傳自稱

桑苧翁嗜茶米元章詩好作新詩繼桑苧垂虹秋色滿

東南賣漿見送友人往正定下若見訪霍魯齋

程鄉見閬園詩序詩召彼故老王少伯詩空山多雨

雪〔列子〕登高樓臨大路〔南史〕陳暄傳何水曹眼不

識杯鐺吾口不離瓢杓〔樂天〕醉吟先生傳吟罷自哂

揭甕撥醅又飲

數杯兀然而醉

家園次罷官吳興有感

〔梅村〕修孫山人墓記吳公由工部郎為吳興守江南

之揚州人〔揚州府志〕吳結字園次江都人順治

九年拔貢授中書舍人歷兵部郎中知湖州府

既罷歸貧無田宅購廢圃以居〔浙江通志〕吳結

康熙五年任〔一統志〕湖州府三國吳寶鼎元年

始於烏程置吳興

郡晉及宋齊因之

世路嗟誰穩。栖遲可奈何。官隨殘夢短。客比亂山多。閉

閣凝香坐。行厨載酒過。却聽漁唱響。落日有風波。

〔玩此詩語〕

意園次蓋罷官而尚留吳興者起言何處是樂地姑栖
遲於吳興耳三四是罷官後語蓋罷官而客仍多正見

園次愛客若認作在官時之客則淺矣五六分承三四
結句從五六轉出回應起處○世路見呈李太虛 栖
遲見贈陸生宋玉九辯君不知兮可奈何 殘夢見秋
夜不寐 亂山見苑先往桐廬 蘇詩凝香方丈眠瓊
璣 神仙傳左慈能坐致行厨載酒見清風使
節圖 滕王閣序漁舟唱晚 風波見鴛湖曲
原評讀三四語園次之輕官愛客
如或見之今之戀官者且逐客矣

其二

勝事難忘處陰晴檻外峯高臺爭見水曲塢自栽松失

志花還放離程鶴未從白雲長澹澹猶作到時容

吳興有愛

山臺六客堂諸勝園次曾邀梅村讌賞故前半首及之
後半首是有感○勝事見虎邱夜集圖 王詩陰晴衆
壑殊 僧靈一時雲生戶外峯 漢饒歌有臨高臺 施
肩吾詩草迷曲塢花滿園 失志見琵琶行 宋史趙

并傳匹馬入蜀以一琴一鶴自隨
宋玉高唐賦水澹澹而盤紆兮

其三

枉殉千金諾空酬一飯恩只今求國士誰與報王孫強

悶裁詩卷長歌向酒尊古人高急難歎息在夷門前四句言

好客無國士之報後半梅村自指正是有感處○史記

季布傳得黃金百斤不如得季布一諾又范曄傳一

飯之恩必償又淮陰侯傳蕭何曰至如信者國士無

雙又漂母曰吾哀王孫而進食豈望報乎杜詩排

悶強裁詩詩兄弟急難史記信陵君傳魏有隱士

曰侯羸年七十家貧為大梁夷門監者公子從車騎虛

左自迎夷門侯生秦昭王已破趙長平軍又進兵圍邯

鄲公子姊為趙惠文王弟平原君夫人請救于魏魏王

畏秦終不聽公子侯生乃屏人問語公子從其計請如

姬如姬果盜晉鄙兵符與公子侯生曰臣宜從老不能

請數公子行日以至晉鄙軍之日北向自剄以送公子

其四

劇郡非吾好蕭條去國身幾年稱傲吏此日作詩人京

洛虛名誤江湖懶病真一官知己愧所得是長貧首句是傲

吏語次句是詩人語三四分承五六七八轉合處亦暗中分承也蓋偶然爲之非故作此體○漢書朱邑傳張敞與邑書敞遠守劇郡馭於繩墨勾臆約結固無奇也

謝元暉詩去國懷邱園郭景純詩漆園有傲吏

韓詩餘事作詩人謝元暉詩誰能久京洛李詩空名適自誤劉夢吉詩常使幽人懶病深李義山詩所得是沾衣漢書陳平傳固有美如陳平長貧者乎

許九日顧伊人和元人齋中雜詠詩成持示戲效

其體

元史儒學傳楊載字仲宏其先居建之浦城後徙杭按仲宏東陽十題尚有敗裘卧鐘二

首梅村蓋用

其題之八

焦桐

後漢書蔡邕傳吳人有燒桐以爨者邕聞火聲知其良木因請而裁為琴果有美音

而其尾猶焦故時人名曰焦尾琴焉宋書樂志相如曰焦尾伯喈曰綠絳事出傳元琴賦世云焦尾是伯喈琴伯喈傳亦云爾以傳氏言之則非伯喈也按傳休奕琴賦序司馬相如有焦尾蔡邕有綠絳此當由傳寫互易耳自此首以下原目皆不載詩蓋成于編目以後者

流落中郎怨薰風意乍開響因知己出歌為逐臣哀一

曲尊前奏千金爨下材漢家忘厝火絕調過江來

首句流落

字怨字次句乍字皆有焦字意在內三四卽乍開之意
後半首點綴入妙三四句俱就琴說蓋因中郎之知
故響爲中郎之逐而哀也若作中郎感知已歌逐臣其
意淺矣又中郎本傳有吳人字而中郎陳留人官於長
安故云過江也○流落見遇劉雪舫中郎見又詠古
薰風見咏山茶花逐臣見贈文園公稽叔夜絕交
書濁酒一杯彈琴一曲志願足矣尊前見老妓行韓
詩遇賞還同爨下餘漢書賈誼傳抱火厝之積薪之
下而寢其上火未及然則以爲安方今之勢何以
異此絕調見琵琶行晉書王導傳過江人士
此咏物詩也而意在言表音
餘絃外勿徒賞焦字之工

蠹簡

陸務觀詩蠹簡開塵篋

飽食終何用難全不朽名秦灰招鼠盜魯壁竄鰕生刀
筆偏無害神仙豈易成却留殘闕處付與豎儒爭

此詩妙處

當於離卽間得之沾煞句下便負作者苦心矣○季義
山詩將圖不朽名劉夢得詩夷陵土黑有秦灰史記
秦始皇紀敢有藏詩書百家語者悉詣守尉雜燒之漢
書叔孫通傳此特羣盜鼠竊狗盜漢書魯恭王傳恭
王初好治宮室壞孔子舊宅以廣其宮聞鐘磬琴瑟之
聲遂不敢復壞於其壁中得古文經傳史記留侯世家
沛公曰鯁生教我距關無內諸侯索隱曰鯁謂小魚也
又蕭相國世家蕭相國何者沛豐人也以文無害太
史公曰蕭相國何于秦時爲刀筆吏西陽雜俎蠹魚
三食神仙字則化爲脈望夜持向天從規望星星立降
可求丹度世也漢書藝文志周室旣微載
籍殘缺史記留侯世家豎儒幾敗而公事
咏蠹字妙矣亦有
寄托不同泛泛

殘畫

季致堯詩雨淋
殘畫摧荒壁

原自無多筆年深色便凋茶烟衝雨過竹粉遇風飄童

懶犀從墮兒頑墨誤描六朝金粉地落木更蕭蕭原自無多

筆寫得殘字入神第二句醒出題面茶烟竹粉本自無多而衝雨遇風則色更凋矣三四賦而比也童懶句形容入妙人猶可到兒頑句疑有神助直屬化工之筆結到六朝金粉則非泛作咏物詩者○圖畫見聞錄王獻之能為一筆書陸探微能為一筆畫韓詩年深豈免有缺畫茶烟見蚤起白詩可憐衝雨客來訪阻風人李義山詩危亭題竹粉詩風其漂女傳漂飄同畫史檀犀同匣共發古香六朝見松化石金粉見送沈釋堂杜詩無

邊落木蕭蕭下

尤展成謂梅村畫亦成家惜未及見然原自無多筆已曲盡畫家神理而茶烟竹粉亦復點染生動石軍以字掩詩梅村亦以詩掩畫矣

舊劍

雍國鈞詩舊劍生衣懶更磨

此豈封侯日。摩挲憶往年。恩仇當酒後。關塞即燈前。解

去將誰贈。輸來弗值錢。不逢張壯武。辜負寶刀篇。起句寫舊

字入神餘亦情詞並美。○杜詩男兒生世間及壯當封侯。摩挲見行路難。韓詩往取將相酬恩讐李德新

詩燈前春睡足酒後夜寒餘。關塞見韓蘄王墓。吳越春秋伍子胥過江解其劍與漁父。說苑干將莫邪

制鐘不錚試物不知以之綴履不如兩錢之錐也。漢書灌夫傳生平毀程不識不值一錢。張壯武見送子佩

青瑁按結句用豐城得劍事見送龔孝升讀史雜感諸首。寶刀見行路難郭元振有寶劍篇

破硯蘇詩我生無田食破硯

一擲南唐恨。拋殘剩石頭。江山形半截。寶玉氣全收。洗

墨池成玦。窺書月仰鈎。記曾疏闕。失望斷紫雲愁。前半首兼

咏南渡君臣後半首兼以自悲而切題處妙不容言○
一擲見蟋蟀盆歌五代史職方考周末七國自江以下
二十一州爲南唐書苑當南唐有國時于歙州置硯務
選工之善者命以九品之服號硯務官硯譜李後主得
青石硯墨池中有黃石如彈丸水常滿終日用之不耗
每以自隨後歸朝陶穀見而異之硯大不可持乃取石
彈丸去後主拽其手振臂就取請以寶玩爲謝陶不許
後主索之良苦陶不能奈曰要當碎之石破中有小魚
跳地上卽死自是硯無復潤澤拋殘見琵琶行石頭
見哭志衍江山半見避亂其五說文截斷也史記
封禪書闕下有寶玉氣來者已視之果有獻玉杯者
明趙貞吉夜宿蘇長公洗墨池亭詩五百年前曾洗墨
依稀猶記雪堂東漢書五行志注師古曰半環曰玦蘇
詩近者唐夫子遠致烏玉玦詩話烏玉玦墨也梁簡
文帝詩浮雲似帳月如鉤五代史裴皞傳每陳朝廷
闕失沈雲卿詩紫雲香駕御微風天中記宋謝暨知
徽州時嘗於舊坑取石貢理宗初坑上常有五色雲如
錦衾郡檄隨雲覆處斲之得佳石旣發爲硯雲氣不復

見矣

文心如月印萬川處處映
澈此梅村詩品之最高者

廢檠

黃晉卿詩舊業
猶餘未棄檠

憶曾同不寐棄置亦何心喜伴疎窓冷愁添老屋深書

將隣火映夢共佛燈沉莫歎蘭膏燼應無黠鼠侵

起筆有神

後半首自寫近况

○魏文帝詩棄置勿復陳

唐茂業

詩松拂疎窓竹映闌

元裕之詩青燈老屋深蓬蒿

西京雜記匡衡好學貧而無燭隣舍有燭而不逮乃穿

壁引其光以書映光而讀杜詩隣火夜深明

蘇詩佛

燈初上報黃昏

漢書龔勝傳有父老弔之曰

蘭以芳自燒膏以明自煎

黠鼠見讀史雜詩

張如哉曰韓短燈檠歌此時提攜當案前看書到曉
那能眠又吁嗟世事無不然牆角君看短檠棄首二

此句本

塵鏡

梁邵陵王詩塵鏡朝朝掩庾有塵鏡詩

舉目風塵暗。全遮皓魄輝。休嗟青鏡改。憐我白頭非。秦

女粧猶在。陳宮淚怎揮。不知徐孺子。負局幾時歸。

句句切定

塵字與泛填鏡事者迥別○晉書王導傳風景不殊舉

目有江山之異

權載之詩皓魄流霜空

杜詩暮顏

靚青鏡

西京雜記秦始皇有方鏡照見心膽女子有

邪心即膽張心動乃殺之

按陳宮用陳太子舍人徐

德言尚樂昌公主事也詳絕句奔拂

貧士傳徐穉字

孺子豫章南昌人也讀書豐城櫛山之厓家貧常自耕

稼非其力不食恭儉義讓所居服其德常齋磨鏡具到

所任傭以自給

列仙傳負局先生者不知何許人也

語似燕代間人負

磨鏡局狗吳市中

斷碑

斷碑見東萊行

妙蹟多完闕天然反失真銷亡關世代洗刷見精神搗

處懸崖險裝來斷墨新正從毫髮辨半字亦先秦

起筆工妙

通首皆稱

○妙蹟見觀萬歲通天帖

天然見觀石谷

畫

駱賓王詩桂枝芳氣已銷亡

孟東野詩洗刷凝

霜彩

莊子澡雪而精神

搗處見觀萬歲通天帖懸崖

見行路難其十七

裴漢見汲古閣歌

杜詩毫髮無

遺憾

權載之詩已取貝多翻半字漢書景

十三王傳

獻王所得書皆古文先秦舊書

按仲宏焦桐云只作全生計唯存半死心芻蕘猶不

置斤斧重相尋遂使堪焦釜誰爲愛古琴有材不足

恃愁絕念知音蠹簡云行古韋編在何年始汗青蠹

蟲深卜宅科斗少成形泯滅沾秦火搜羅出漢廷斯

文天未喪不敢望全經塵鏡云收藏無寶匣歎息網

絲懸孰使明爲暗如觀醜勝妍玉臺終寂寂金鵲尙

上言集卷一
翩翩正訝開元日虛將盛事傳廢檠云二尺書檠在
如今久弃捐魚膏雖有烟蠹簡獨無緣牆下偕遺礫
窗間帶舊烟却觀提挈處辛苦悔當年諸詩體物雖
工然未免意盡言中而梅村八首音餘絃外寄興獨
遠雖戲效其體
寔笑過元人也

過東山朱氏畫樓有感

并序

東洞庭以山後爲尤勝有碧山里朱君築樓教
其家姬歌舞君每歸自湖中不半里令從者據
船屋作鐵笛數弄家人聞之皆出樓西有赤欄
干累丈餘諸姬十二人艷粧凝睇指點歸舟於
烟波杳靄間旣至卽洞簫鈿鼓諧笑並作見者

初不類人世也君以布衣畜伎晚而有指索其
所愛者以是不樂遣去無何竟卒余偶以春日
過其里雖簾幙凝一而湖山晴美樓頭有紅杏
一株傍簷欲笑容爲余言君生平愛花病困猶
扶而瀝酒再拜致別諸伎中有紫雲者爲感其
意至今守志不嫁嗟乎由此足以得君之爲人

矣爲題五言詩於壁上

李玉山詩連霏遶畫樓
蘇州府志莫釐山以

其在洞庭山東俗稱東洞庭山去洞庭山一十
八里

晉書朱伺傳走上船屋鐵笛見鐵崖

墓注

欄干見琴河感舊

劉希夷詩青樓思

艷粧凝睇見玉京傳

指點見龍腹竹歌歸舟

見送穆苑先唐書張志和傳自號烟波釣徒江

詩窈窕肅湘空洞簫見行路難正韻陷蚌日

螺鈿韓詩諧笑方云云紫薇詩話章子厚

夢中詩殆不類人間世也簾幙見哭志衍

湖山見送純祐浙幕蘇詩樓頭半露杏花梢

任彦升竹賦傍檐拂象床王仲初詩瀝酒

願從今日後更逢二十度花開說文瀝水下滴

盡說凝眸望東風徙倚身如何踏歌處不見看花人舊

曲拋紅豆新愁長白蘋傷心關盼盼又是一年春

皆用十字句法然盡說如何相為呼應竟是二十字句

法也後半首表紫雲之志正是為朱君興感○季義山

詩歛笑凝眸意欲歌徙倚見西田詩舊唐書睿宗

紀上元夜上皇御安福門觀燈出內人連袂踏歌看

花見琵琶行徐孝穆詩江陵有舊曲洛下作新聲紅

豆見琵琶行注郎君胄詩杳杳多新愁柳文暢江南

曲江洲採白蘋日暖江南春洞庭有歸客瀟湘逢故人
故人何不返春花復應晚張如哉曰新愁句正用此

關盼盼見王京墓注霍

敏童詩一年始有一年春

按唐詩紀事紫雲乃李愿家妓爲杜牧之指目者朱
君何復以此名之然曝書亭集朱碧山銀槎歌孫少
宰席上賦有云細看欸識刻至正問誰爲此朱碧山
當時虞揭相獻酢是物亦得流人寰程迂亭曰朱碧
山名華玉元人也則碧山里朱
君亦如司馬長卿慕相如者歟

葉君允文偕兩叔及余兄弟遊寒山深處

蘇州府志莫釐

山又南爲寒山亦名韓山

投足疑無地逢泉細聽來松顛湖影動峯背夕陽開客

過攜山榼僧歸掃石臺狂呼聲撼木麋鹿莫驚猜通首爲深

處二字寫生三四最爲刻露○張茂先鷦鷯賦投足而安楚辭下崢嶸而無地兮聽泉見惠井支泉蘇州府

志東洞庭山有泉五曰海眼泉柳毅泉靈源泉青白泉悟道泉蘇詩古甃墮松顛曹夢徵詩湖影撼山朶

溫飛卿詩鴉背夕陽多山榭見歲暮送苑先賈闓仙詩新起臨湖白石臺狂呼見行路難列子秦青撫

節悲歌聲振林木張子壽詩鷹隼莫相猜季義山詩鼠翻窻網小驚猜

查灣西望

蘇州府志查灣在吳縣二十九都

屢折纔成望山窗插石根濕雲低染徑老樹半侵門漁

直看疑岸沙橫欲抱村湖光猶在眼燈火動黃昏寫景如畫

句句有望字在內○百詩水檻山窓次第逢季詩錯落千丈松虬龍蟠石根崔曾詩濕雲如夢雨如塵老

樹見雕橋莊歌杜詩清江一曲抱村流湖光見宿福源精舍秦少游詞燈火已黃昏

拜王文恪公墓

明史王鏊傳字濟之吳人戶部尚書文淵閣大學士贈太傅謚文恪

一統志王鏊墓在

洞庭東山梁家山

舊德豐碑冷湖天敞寂寥勲名高故相經術重前朝致

主惟堯舜憂時在豎刁百年人世改野唱起漁樵

首尾切定

墓字中四括文恪本傳○舊德見磬清湖序豐碑見讀

西臺記

蘇詩水光翻動五湖天寂寥見山水圖歌

勲名見東萊行漢書蕭何傳故相國蕭何鏊傳取士

尚經術險詭者一切屏去南史檀道濟傳立功前朝威

名甚重王元之詩致王比唐虞左傳傳二年齊寺

人貂始漏師于多魚注寺人內奄官豎貂也按舊唐書

李訓傳作豎刁鏊傳宏治初充講官中官李廣導帝遊

西苑鏊講文王不敢盤于遊田反覆規切帝為動容講

罷謂廣曰講官指若曹耳正德元年四月起左侍郎與

韓文諸大臣請誅劉瑾等八黨杜詩夷歌幾處起漁

樵

胥王廟

蘇州府志吳相伍大夫廟在胥門外舊在胥口胥山上子胥死後吳人于此立祠俗

稱胥王廟

伍相丹青像。鬚眉見老臣。三江籌楚越。一劍答君親。雲

壑埋忠憤。風濤訴苦辛。平生家國恨。偏遇故鄉人。

起二句點

題三四括子胥本傳五六作贅結更波瀾壯濶○後漢

書光武紀嚴尤笑曰是美鬚眉者耶漢書趙充國傳亡

踰老臣者矣國語子胥諫曰夫吳之與越也仇讐敵

戰之國也三江環之按籌楚越足概子胥一生不止諫

吳王數語劉文房詩身留一劍答君恩孔德璋北

山移文欺我雲壑吳越春秋子胥把劍仰天嘆曰自我

死後後世必以我為忠子胥濤見二十五日詩杜詩

二月已風濤又役役常苦辛按故鄉人謂文種也吳

越春秋注引呂氏春秋高誘解大夫種姓文氏字會楚之鄒人是與子胥俱楚產吳越春秋又云前潮水潘侯者伍子胥也後重水者大夫種也俱有前後揚濤之異然子胥忠于吳而種忠于越是子胥自有家國之恨與種不同故云
偏遇鄉人耳

查灣過友人飯

碧螺峯下去宛轉得山家橋市人沽釀桑村客焙茶溪

橋逢樹轉石路逐灘斜莫負籃輿興天桃已著花

首句查灣

次句過友人三四暗寫飯字後半首游查灣是飯後情事○蘇州府志寒山之西岸有仙人石又南爲碧螺峯

宛轉見宛轉橋村詩山家蒸栗暖季文饒詩魚蝦

集橋市

陸務觀詩身老桑村麥野中焙茶見宿沈文

長山館

溪橋見溪橋夜話文通赤虹賦暖朱

草于石路

籃輿見縹緲峯

王詩寒梅著花未

寒山晚眺

參詩山
河宜晚眺

驟入初疑誤沿源興不窮穿林人漸小攬葛道微通湖

出千松杪鐘生萬壑中晚來山月吐遙指斷巖東

狀難
寫之

景如在目前晚字在即離之間○按沿源如桃花源記

沿溪行之沿閭伯嶼歌賦引韻下散沿源上迴

隋文

帝詩穿林鳥亂飛趙子昂詩野濶行人小

攬葛見縹

緲峯書遂通道于九夷八蠻

方言木細枝謂之杪

萬壑見蒼公塔一統志寒山寺在吳縣西十里楓橋相

傳寒山拾得嘗止此故名杜詩四更山吐月

戴表

元詩斷巖

蒼龍角

翠峯寺遇友

蘇州府志翠峯禪寺在吳縣西南一
百里洞庭東山莫釐峯之陰唐將軍

席溫捨

宅建

卧疾峯腰寺欹危脚步勞松聲侵殿冷花勢擁樓高薄

俗詩書賤空山將吏豪

原注時有戍將居寺中

不堪從置酒白髮

自蕭騷

起二句指所遇之友三四翠峯寺內之景卽友人之寓也結句醒出遇字意○子山枯樹賦頓

山腰而半折

杜詩行步欹危是怕春

高唐賦不見

其底虛聞松聲

北魏童謡黃花勢欲落朱慶餘詩平

原一望戍樓高

薄俗見礬清湖

將吏見贈雪

航

置酒見永和宮詞

薛大拙詩風地葉蕭騷

登寒山高處策杖行崖谷中

曹詩策杖從我遊崖谷見閬州行

側視峯形轉空蒼萬象陰斷巖湖數尺絕澗樹千尋曰

透玲瓏影烟生竈靄心忽逢天際廣始覺所來深

前半首寒

山高處後半首行崖谷中○

蘇詩橫看成嶺側成峯

李賓之詩

瑤峯獨立倚空蒼萬象見礬清湖

斷巖見

寒山晚眺

皇甫孝常詩窓臨絕澗聞流水庾詩高閣

千尋起

吳子華詩日射更玲瓏窈窕見朱氏畫樓

序天際

見石公山

沙嶺

蘇州府志莫釐山一支自西而南為白沙嶺

亂峯當面立反憇得平邱坐卧此云適歌呼不自由支

頤蒼鹿過坦腹白雲留笑指鳥飛處有人來上頭

起二句狀

出奇景中四遊興結句反襯出沙嶺之高○朱子詩高

旻巖亂峯

張見蹟詩千里眺平邱

歌呼見二十五

日詩

王詩

支頤問樵客錢仲文詩幽溪鹿過苔還

淨

杜詩

坦腹江村暖

盧思道詩遙居最上頭

飯石峯

蘇州府志寒山之西岸有仙人石又南為飯石峯

半空鳴杵白狼藉甌山傍莫救黔黎餓誰開白帝倉養

芝香作粒煮石露為漿飯顆相逢瘦詩翁詎飽嘗

就飯字生

情然不脫石字峯字故佳○杵臼見石公山

狼藉見

松鼠按嘉興府志甌山在桐鄉縣治北十七里

一統志

甌山在兗州府滋陽縣東北十里山北史張華原傳此

借用唐文宗詩願蒙四海福黔黎後漢書公孫述

傳成都郭外有秦時舊倉述改名白帝倉杜詩香稻

啄殘鸚鵡粒煮石見閬園詩杜詩味如甘露漿揮弄

滑且柔唐人本事詩飯顆山頭逢杜甫頭戴笠子曰

卓午為問因何太瘦生只為從來作詩苦詩翁見送

沈友

聖

柳毅井

原注其地即橋社一統志柳毅井在洞

謂是岳之洞庭湖以其說有橋社故又以為

即此洞庭山爾社下去吳縣西一百十里

仙井鹿盧音原泉瀉橋林寒淅玉女恨清見柳郎心短

綆書難到雙魚信豈沉波瀾長不起千尺為情深亦是將題

內三字合說與前首同工○昭明太子詩銀床繫轆轤

按字典引喪大記注鹿盧與轆轤通轆轤見琵琶行

韓君平詩人家掃橋林周明帝詩寒井落疎桐禮記

國君取夫人之辭曰請君之玉女與寡人共有敝邑事

宗廟社稷異聞集唐儀鳳中柳毅至涇陽見一婦牧羊

泣曰妾洞庭龍君小女也嫁涇川次子而夫婦日以厭

薄聞君將還吳以尺書託寄洞庭之陰有大橋樹鄉人

謂之社橋君解帶舉樹三發當有應者毅還家訪于洞

庭取書進之龍君覽畢宮中皆慟哭有赤龍長萬餘尺

飛去俄而涇水之囚人至矣釋名井清也泉之清潔

者也南史柳惲傳宅南柳郎可為儀表集異記洞庭君

宴毅于凝碧宮錢塘君謂毅曰子豈不聞壯士可殺不

可辱猛石可裂不可掩者耶願以昨女奉箕帚不從者

死毅曰君何言之鄙是為殺人之夫而娶其妻不可後

再娶盧氏貌類龍女曰予即洞庭君女涇上之辱君能

救之向所以不言者知君無好色之情今所以言者知

君有愛子之義莊子綆短者不可以汲深古詩客

從遠方來遺我雙鯉魚呼童烹鯉魚中有尺素書孟

東野詩波瀾誓不起妾心古井水李

詩桃花潭水深千尺不及汪倫送我情

雞山

原注夫差養鬪雞處一統志雞陂墟在元和縣東越絕書婁門外雞陂墟吳王所以畜

雞去縣二十里蘇州府志吳縣武山之南麓有

木青山雞山按梅村所詠當指在吳縣者又越

絕書雞山豕山句踐以畜雞豕將伐吳以食土

也雞山在錫山南去縣五十里按此則吳越各

有雞山合雞

陂墟爲三也

飲啄丹山小長鳴澤畔雲錦冠虛恃氣金距耿超羣歛

翅雌猶守專塲勝未分西施眠正熟啼報越來軍結句入妙

以不脫雞字也○莊子澤雉十步一啄百步一飲不斲

畜乎樊中丹山見送龔孝升沈懷遠有長鳴鷄贊楚

籬行吟澤畔〔虞衡志〕南中有錦雞一名金雞頭項鬃

毛金色身紅黃相間極有文彩〔列子〕紀消子為周宣王

養鬪雞十日而問之曰雞可鬪乎曰未也方虛僑而恃

氣〔左傳〕昭二十五年季氏介其雞邠氏為之金距淮

南子同師而超羣者必其樂之者也〔淵明閒情賦〕雞

歛翅而未鳴〔老子〕知其雄守其雌為天下谿〔劉孝威〕

鬪雞篇妬敵得專場〔吳越春秋〕越得苧蘿山鬻薪之

女曰西施鄭旦而獻於吳〔一統志〕越來溪在吳縣西

南越兵自此溪

來入吳故名

厩里

〔原註〕在武山吳王養馬處〔蘇州府志〕厩里

縣豆園吳王養

馬處亦兩見也

夫差芻秣地遺跡五湖傳柳葉青絲鞵桃花赤汗羈〔原註〕

武山桃花為

洞庭一勝降王羞執轡艷妾笑垂鞭老驥哀鳴甚西

風死骨捐

起二句完題面三四五六從此演出末二句應指子胥○周禮天官太宰以九式均節財

用七曰芻秣之式

五湖見贈家侍御

羅敷行青絲

繫馬尾梁簡文帝詩青絲懸玉鐙朱汗染香衣

杜詩

河隴降王欵聖朝國語越王其身親爲夫差前馬詩執

轡如組

子山

七夕賦

秦娥麗妾趙艷佳人李詩薄暮

垂鞭醉酒歸

曹孟德樂府老驥伏櫪杜詩哀鳴思

戰鬪迴立向蒼蒼

按末句反用郭隗說燕昭王語

仙掌樓留別衆友

前後皆遊莫釐山之詩則仙掌樓亦應在洞庭之東觀次育

東山字可見蓋江寧縣亦有雨花臺故梅村先

自註出耳

或疑太倉本隸蘇州梅村遊山當

離故園未遠而鏡湖在紹興府山陰縣南三里

疑仙掌樓亦在山陰故云離程也然太倉距蘇

州一百五里其憶故園亦無足異而酒云持來

蓋以鏡湖之酒送洞庭之客者或又如有酒如

澠之意以鏡湖

比酒杯耳俟考

杯酒鏡湖平。持來送客行。可憐高會處。偏起故園情。烟

鳥窓中滅。風帆樹杪生。遙看沙渡口。明日是離程。此將自洞

庭歸而與友話別也。佳在後半首。○高逵夫詩：無那春風欲送行。高會見遇劉雪舫。李詩：何人不起故園

情。○白詩：暝色投烟鳥。窓中樹杪見。過聞果師。王元之黃州竹樓記：第見風帆沙鳥烟雲竹樹而已。邱爲

詩：渡處水口寬。離程見園次罷官補注。

登東山雨花臺

白雲去何處。我步入雲根。一水圍山閣。千花夾寺門。日

翻深谷景。烟抹遠天痕。變滅分晴晦。悠然道已存。三四雨花

臺五六兼寫東山首尾相應。○李君虞詩：白雲何處更相期。雲根見二十五日詩。王介甫詩：一水護田將

緣遶杜詩臨軒望山閣文通江上之山賦草自然而
千花陶詩梅柳夾門植霍國輔詩寺門清且涼杜詩
愁畏日車翻詩深谷爲陵張見蹟詩長榆接遠天
蘇詩相與變滅隨東風李鐸密雨如散絲賦晴晦之異
圖牒之祥陶詩悠然見
南山莊子目擊而道存矣

留洞庭二十日歸自水東小港

韓致光詩小港春添水半腰

漸覺湖天改扁舟曲曲行野橋誰繫姓村樹亦知名晚

市魚蝦賤烟汀菰米生偶逢空濶處重起舊灘聲

起結寫歸

字入情中四句寫出水東小港

○湖天見拜王文恪墓

張子野詞屏風曲曲鬪紅牙

杜詩攜錢過野橋

韓致光詩仙樹有花難問種御香聞氣不知名

魚蝦

見磬清湖序

陸務觀詩寄懷魚鳥卧烟汀杜詩波飄

菰米沉雲黑蘇州府志茭白卽菰也惟吳縣梅灣村一

種四月生名呂公茭茭中生米可作飯卽菰米飯也

空濶見二十五日詩

陸

務觀詩只有灘聲似舊時

武山

原注本名虎山夫差於其地養虎李唐諱虎為武至今仍之 一統志洞庭東山其東麓

曰武山周十二里本名虎山吳

王養虎處後避唐諱改今名

霸畧誇擒縱君王置虎牢至今從震澤疑是射成臯土

俗無機穽山風少怒號千秋遺患處誰始剪蓬蒿

點染處與

鷄山一首相似

○史記孟嘗君傳折秦之謀而絕其霸

強之畧李太和鬪鴨賦迭為擒縱穆天子傳七萃之

士高奔戎生捕虎而獻之天子命之為柙而畜之東虞

是為虎牢按虎牢成臯并借用見送周子似張青珮

震澤見林屋洞

後漢書仲長統傳是設機置穽以待

天下之君子也

杜詩八月秋高風怒號

史記項羽

紀此所謂養虎自遺患也

蓬蒿見雁門尚書行

題郁靜巖齋前壘石

梅村郁靜巖家譜序余外家
郁氏為吳中右姓其後人靜

巖名滋篤行君子
也壘石見松山哀

就石補奇雲潭幽亂石文貞堅應有性高下亦唯君鳥

雀因人亂松杉我獨聞苔階含古色落落自同羣

三四
自作

寫照通首俱能相稱○韓詩青天孔出白石補

李

詩奇峯出奇雲

王子安採蓮賦問子何去幽潭採蓮

李長吉詩

麒麟背上石文裂

舊唐書高宗紀貞堅表

志

後漢書何進傳主簿陳琳曰今將軍龍驤虎步高

下在心

帝詩

苔階沒故綦

落落見石公山

梁簡文

